

UTL AT DOWNSVIEW




D RANGE BAY SHLF POS ITEM C  
39 14 04 01 02 006 9

**PLEASE DO NOT REMOVE  
CARDS OR SLIPS FROM THIS POCKET**

---

**UNIVERSITY OF TORONTO LIBRARY**

---



Digitized by the Internet Archive  
in 2010 with funding from  
University of Toronto



د.ع. رخسان نواره و تحمین ناهید ۱۳۱۵


# ژون ترک

اوج پرده لك ملي تماشا

طابعی و ناشری - کتابچی لئون لطفی

کتابچی لئون لطفی

یکی پوسته خانه اتصالنده نومرو ۷۲



در سعادت

۱۳۲۵





استاد خان جاهد  
 کتب رسیده  
 قید شده

Jön Türk

رخسان نواره و تحسین ناهید

# ژون ترک

اوج پرده لك ملی تماشا

برنجی دفعه اوله رق (۶) رمضان (۱۳۲۶) تاریخنده  
 عثمانلی تیاتروسی طرفندن موقع تماشایه وضع اولمشدر .

طابعی و ناشری - کتابچی لئون لطفی

تبعه ایسی

یکی پوسته خانه اتصالنده نومرو ۷۳

کرك تفرقه ایديلمه سی کرك موقع تماشایه وضعی  
 حق تماماً محفوظ اولوب مؤلفرینه عائددر  
 سهولت کتبخانه سنک مهرینی حاوی اولمیان نسخه لر ساخته در

( اصادوریان مطبعه سی )

۱۳۲۵

PL  
248  
R 83 J6  
1909

## اشخاص

- کاظم پاشا (مایین ارکانندن)  
نهاد بك (پاشانك مرحوم برادرينك اوغلى) بینه مجیان »  
ابراهيم افندی (پاشانك كاتب و كرمیاسی) علكسانیان »  
عاصم بك (نهادك آرقداشی اتحاد و ترقی جمعیتی اعضا سندن) شاهینیان »  
حق بك (نهادك آرقداشی) پاپاسیان »  
نجیب بك (اتحاد و ترقی جمعیتی اعضا سندن برضا بط) دوله کریان »  
لطفی افندی (پولیس مفتشی حقیه) خلوصی »  
زیور اغا (پاشانك حرم اغاسی) طولایان »  
محمد اغا (پاشانك اغاسی) ماخوسیان »  
فطینت خانم (پاشانك زوجہ سی) آرنیف خانم  
لیلا خانم (پاشانك کریمہ سی) بینه مجیان خانم  
(عسکرلر، پولیسلر، اہالی، اوشاقلر و سائرہ)



## « ژون ترك »

### برنجی پرده

« صحنه كلاظم پاشانك قوناغنده بری صاغده، ديكړی نهايتده اولق اوزره ايكي قاپلی مزین بر اودا ارائه ایدره. صولده پنجره، پنجره یه یاقین وضع ایدلش ایکی قاتلی بر آثاره؛ ایکی طرفنده کوچوک، سوسلی ایکی اسکمله؛ آثاره ترك یاننده کی اسکمله ترك بریسنده وجهی متغیر، کوزلری غیراختیاری بر جدتله آچیلش. تلاش واندیشه ایله آئنده کی « آنده پاندانس بلژ » غزته سنی او قویان کنج بر آدام - نهاد بك - کورونور. »

### برنجی مجلس

نهاد بك؛ بر دقیقه صوکره لیلا خانم

« پرده اچیلدقدن بر دقیقه صوکره لیلا صاغده کی قاپیدن مزین بر تووالتله کیردر . . . یاواش یاواش عمجه زانده سنك یاننه قدر کلیر . . . اوئی متغیر و حدتلی کورنجه ( لیلا - . ( مشفق بر طورله ) نهك وار نهاد؟ خسته میسك؟ . . .

نهاد - . خایر هیچ بر شیم یوق. . کاشکه، اوت کاشکه خسته اولسهم، ( عصی ) یاخود اولسهم . . .

لیلا - . نیچین ؟

نهاد - . نیچین اولاجاق، وطنك اولدیكنی كورمه مك  
ایچین . . . ( حدتله ) یوق اولیور ، اولدیریولر ،  
زوالمی ملتی محو ایدیورلر ( غزته نی آندن آتارق ) و بز  
بو حقیقتلری ، بوتون بو آجی فلاکتلری آوروپالیلردن  
اوکرنیورز . دون مصر ، بوکون کرید ، یارین سلانیک  
بوتون ماکدونیا کیدیور . . . صوکره . . . ( بر لحظه توقفله )  
صوکره . . . صوکره مقاسمه . . . ذلت ( جسارت وحدتله )  
اوح اصلا . . . اصلا تحمل اولونماز .

لیلا - ( نه سویلیه جکنی شاشیرارق متأثرانه ) نیچین  
نهاد ، نیه ؟ نه وار ؟ نه اولویور ؟ !

نهاد - . نه اولاجق ( نفرتله و چابوق چابوق تلفظ  
ایده رك ) وکلامزك استراحتی ، پاشالرمزك منفعتی ایچین  
هپ بتیورز . دهانه اولسون ؟

لیلا - . کیف ایچین ملتی محو ایتك ؟

نهاد - . ( اسکمله سنه یاصلانارق ) نه سویلییورسك  
لیلا . . . بونلرده وجدانی تصور ایدیورسك ؟ بونلر  
انسان اولسهیدی . بونلرده ناموس بولونسهیدی بزبو حالی  
بولمازدق ( تهدیدکارانه بر حرکت موهومه ایله آلی قالدیرارق )

فقط آئی بیلکه بو بویله قالمیه جق. کوره جکلر، هم بالخاصه  
سرای ارکانی . . . ( حدتله ) آه بیلسهک اونلر نه قدر  
مرتکب، ناصل نفرته یاد اولونمغه لایقدر.

لیلا — ( صار اراق ) هپسی می ؟

نهاد — ( صیمی بر نکاه محبتله لیلا نیک ایکی الارندن طوتارق  
تأسفله علاوه ایدر ) خایر فرض ایدمکه ایچلرنده بر  
قاجی آیدر، ارباب ناموسدندر؛ نه چیقار؟! ( ایلا  
جواب ویرمیه رک الارینی چکه ر. ماصانک دیکر طرفده کی  
کوچوک بر اسکمله یی آلاق دالغین بر طورله نهادکیاننه  
اوطورور. نهاد بر آز سکویدن صوکره ) دوشون لیلا؛  
بو کون مملکت مزده نه وار؟ ظلم، حقارت، ارتکاب،  
افترا، حبس، منفا. . . بالخاصه منفا!.. بیلورمیسک.  
بو کون منفیلر بر بوچوق اردو تشکیل ایدمک قدر  
چوق.. هم بونلر وطنک تحصیل کورمش، وجدانی،  
اکزیده اولادلی.. اونلرک چولوق چو جوقلری سفالت  
ایچنده سورونیور بوتون ملت استبداد زنجیری ایله  
باغلی ازیلوب دوریور.. بوکا تحمل اولونماز ( بر طور  
اصیلا نه وجسورانه ایله ) خایر، ممکن دکل تحمل اولونماز..  
چالیشمالی، مطلق ملتی قورتارمالی.. عثمانلی نامی آرتق

ايلاق آلتىدە ازىيەتمەلى... بۇ حىيائى؟ بۇ ياشايش يا شامەقمى؟  
نفس آلمە بىلە كىمىدە جىسارت يوق (آياغە قالقاراق)  
اوق فئا.. پك فئا... (اودا ايچىندە دولاشىر).

ليلا - (دوشونەرك مەسكەنە) شەھەرىز بۇ حال فئا..  
فقط نە ياپىلىر؟ بىر ايكي كىشى نە ياپىلىر؟

نهاد - (بىردىن دۇرۇب ليلا يە باقا بۇق . جىسورانە  
مەشەتەنە) نەمى ياپىلىر (كەل امنىتە) نەز . \* . (باشىنە  
تاكىد ايدەرك) نەز .. (يەنە دولاشمىدە دوام ايدەرك).

ليلا - (نهادك جىسارتىدىن اوركەرك تائۇلە بىردىن  
قالقارۇنچىرە دۇغرىو يورۇر.. بىر لحظه توقىدىن سوكرە  
ھىجانە نھادە) نھاد، دوشونمىورەيسك يا خىر اليرسە؟  
نھاد - (اوموزلىرىنى سىلەكەرك) مادامكە بوتون  
فئالقلرى بىليورم . بويە لوٹ ايچىندە سورۇنمەكەن ايسە  
حرىت ايچىن قىرمان اولانلردە التىح - اق ايدەرم . (ليلا .  
مايوس؛ دوشونور .. نھاد، كەندى كەندىنە سويەنر كىي  
ساكن وجدى) اتفاق ايتەلى..

ليلا - (مەيىچ وتلاشلى) مەكەنسى؟ بۇ قەدر تەشەت  
ايدىنلر نە اولدى؟

نھاد - (ليلا يە دۇغرىو يورۇيەرك خىالى بىر خۇرلا

قطعی و آمر) اتفاق ایتمی.. و چون بر اتفاق.. حکومتك  
من درلو اجرا آتی حکمسنز بر اقا جق قوتلی بر انفاق  
(یه دولاشارق) او زمان ..

لیلا - (هادك سوزنی گسهره . غایت عصبی)  
صوص الله عشقه .. امثالنی کورمه دك دكل؛ کیم موفق  
اولدی... ایشته هیدنی محو و خراب ایتدیلر.. عربستانك،  
آنطولینك قسم اعظمی منفیلرله دولدی (صارارازق)  
یتر نهاد یتر.. استبداده بوقدر قربان یتر.. پریشان قیلان  
بدبخت عالمه لرك سفالتنی شیمدی سن سویلیوردك. بونلرك  
عددی آرتیرمقده نه ذوق وار ؟

نهاد - پکی نه یاللم .. بو حاله سرفرو ایدوب  
اوطورالمی؟ (لیلایه بقین براسکملهیه اوطورارق و لیلانك  
اصرارینه جانی صیقیلارق، سرته) هم نیه یا کلش تاقی  
ایدیورسك آکلامیورم .. بونلر استبداده قربان اولمیور،  
وطنه فدای نفس ایدیور .. استبداد، ملتك کیوتینی،  
مستبدلر ایسه جلادلری ... (تهیجله) آح بو ملعونلر ..  
ملتك سکوتنی کندی نفوذ و اقتدارلرینك خارق العاده لکنه  
عطف ایدمرك ظلم و تجاوزلرینی کوندن کونه آرتیریورلر ..  
فقط بیامیورلرکه نه قدر یا کیلیورلر .. اح بیلسهلر !



سُو جاهل قالماسی ایچین بو قدر چالشدقلری اهلیدن  
 قاج دفعه دهها بویوک بر جهالتده بولوندقلرینی بیلسه لر؟!  
 (مستیزیانه) بو ذوات کرام خرسزلق وحیدودلفدن باشقه  
 هیچ بر شیئه ایرمه دین عقللرینی لطفاً براز اتعاب ایتسه لر  
 بامکه بو حالک بویله دوام ایتیه جکنی. ایتمک احتمالی اولمادیغنی  
 حس ایدر لر ( امنیتکارانه ) بونلرک جنایتلری عدالت  
 الهیه نك کوزوکه سی ایچین بر زمین حاضر لیور. آمین اول  
 لیلا الله عادلدر. مظلوملری حمایه ایدر، جنایتلری البت برکون  
 غیرت الهیه یه دو قونا جقدر (عصبی) آکلیور میسک لیلا ،  
 اللهه برابر اولمق ایستیورم .

لیلا - (تأثرله صارارارق) فقط بو خائنلر وجدانلر  
 اولدقلری قدرده بصیرتکار اولورلر سه؟!

نهاد - اوح بو محالدر، ظلم جزاسز قالماز. بیلسه ک  
 بونلر نه قدر قورو پا طیر دیدر ؛ چونکه هپسی جاهلدر ؛  
 جاهل وخائن اولانلر قورقاق اولور... وطنی ملتیه ایسته ر  
 ایسته مزاعاده ایده جکلر . بو کونک یاقین اولماسنی تمی  
 ایدم.. قانون اساسی تطبیق اولونه جق.. مجلس مبعوثان  
 کشاد اولونه جق.. یاخود...

لیلا - (دوشونه رک) سویله مک قولای فقط اجرا آت

نه قدر کوچ .. هر کس شکایت ایده درده کیمسه تشبث  
ایتمز ... لقمه لقمه دوغرانق ایچین حاضر لانیلامش ،  
نرسندن طوتسهک پارچالاناجق قدر خراب اولمش بر دولتی  
قورتارمق ، درت طرفنی احاطه ایدن بر چوق مستبدلرک  
آلندن چکوب چیقارمق ، جکرلرینه قدر نفوذ ایتمش  
ورم میقروبلرینی موفقیتله اولدیرمک نه قدر کوچ ،  
نه قدر کوچ ...

نهاد - (متین وجدی) البت کوچ، فقط محال دکل ...  
(ألیله ایضاح ایده رک ) حسن نیتله ثبات بزه بو کوزل  
کونلری البت کوستر ... بو قدر بکله دک براز دها صبر  
ایده رز. بو کون حکومت اوینایان شو جهلای انشاالله  
ر کون کله جک که وطنی قورتارمغه چالیشیور ديه  
جاسلرده، منفالرده چور و تدکلری مظلوملرک یرلرنده  
کوره جکر (بر لحظه دوشوندکن صوکره) لیلا بیلسهک  
بعض دقیقه لرده کندمدن نه قدر نفرت ایدیورم. بر چوق  
وطندا شلرم آچ، چپلاق ، یالکز بر فکر مقدسه، وطنک  
سلامت آتیسنه چالیشیر، بو فکره کیجه کوندوز خدمت  
ایده رکن بن بوراده سنک محبتک، سنک شفقتکله مسعود  
ومتسلی اولویورم. اطرافده جریان ایدن بیکلرجه ظلم

ورذالت انترقه لرینه کوز یومو یورم.

لیلا - ( متأسفانه و تأثرله ) نهاده ، بندن بوراده  
بیزارمی اولدک ؟ ..

نهاده - ( لیلانک سوزینی کسه رک ) خایر لیلای خایر ،  
سندن شکایت دکل سکا لایق اولما مقدن قورقور یورم . .  
وجدانمک قبول ایتدیکی شیلره ناصل تحمل ایدم بیلیم  
بونی دوشونیورم .

لیلا - نه یاللم مادمکه المزدن برشیء کلیور ؟ !

نهاده - چالیشانلر ناصیل چالیشیور ؟

لیلا - ناصیل ، زرده چالیشیورلر ؟

نهاده - مجهول ! ..

لیلا - موفق اولاجقلمی ؟

نهاده - انشاء الله ( تأثرله ) افراد جمعیتک تحممله

چالشدینی زحمت و مشقت ، براقوب کیتدیکی عائله ، اولاد ؛  
فدا ایتدیکی مال و حیات هپ موفقیت ایچین ، هپ وطنک  
سلامتی ، بو خائن مرتکبرک آلندن قورتولماسی ایچین . .  
اونلری تقدیس ایدم لیلای .. بورجلی ییز .

لیلا - ( کوزلری یاشله دولارق ) شهه سز لکن ...

نهاده - ( ینه هیجانله ) اعتراض ایتمه ؛ میدان محاربه ده

شهید اولان بر ادمله بر منفینک، وطنک سلامتی ایچین  
 چالیشیرکن محو ایدیلان بر زواللی نك، بر مجاهد حریتک  
 نه فرقی وار ( محبتله لیلا نك یوزینه باقارق ) هپسی عینی  
 مقصد علوی و مقدسه دوغرو یورورکن نیچین برینی  
 تشویق، دیکرینی توقیف ایتمک ایستیورسک ( لیلا سکوت  
 ایدر.. غایت عصی ) شیمدی قادینلر مزه دوشهن وظیفه  
 بو مقدس وطن ایچین چالیشانلره خیر دعا ایتمک ، مقتدر  
 اولدقلرینی تشجیع ، قوای مغنویه لرینی تقویه ایتمکدر .  
 ( متأسفانه ) اکر قادینلر مز اسکی عثمانلی قادینلری کبی  
 اولسه یدی، وطن محبتنی بیلسه یدی .

لیلا - ( هیجانله نهاده کسکه زک مغرور  
 وستمکارانه فقطجدی ) اسکی زمان قادینلری اولسه یدی  
 عجباً سزه قالمک، سوقاق اور تاسنه آتیلک، خفیه لرك بيك  
 دورلو دیسه لری آلتده کنديکزی فدا ایدکمی دیردی؟  
 نهاده رجایده رم لیلا دقت ایت. بن سندن بحث ایتمیورم.  
 تأسف اولونورکه شو زمانده قادینلر مز، خایر یالکز  
 قادینلر مز دکل، آرککلر مزده اسرافدن، تووالدن باشقه  
 برشی بیلمیور.. بر قسمنه ناقص، پک ناقص بر اور و پاتریه سی  
 ویریلیو .. بزبویه ریاکار، کیرلی بر تربیه الاجاغمهزه ،

کاشکی اسکیسی کبی، اسکی ترکار کبی جاهل، فقط صاف،  
 بوزولماش آیی قابلی قالسه ییق . . دیکر بر قسمی ایسه  
 جاهل، فقط غیر صاف بر جهالت ایچنده جاهل قالیور .  
 صکرا بو ایکی قسم خلق بر آرایه کئنجیه بری بیلدیکی  
 لسانله کیدینکی البسه یه عطفاً کئدینه بر حق رجحان  
 آرایور، دیکر قسم ایسه نقصانی تربیه دن نشئت ایدن  
 خیرکین بر قیصقانجلغک زبونی اولارق عقلنه، آغزینه  
 کلن بیک دورلو هئیانده بولونویور.

لیلا - ( عصبی بر تلاشه نهادک سویئی کسه رک )  
 نتیجه ایکی قسم آراسنده دائمی بر منافرت،

نهاد - ( محبتله لیلایه باقاراق ) اوت ییتمه زبر مجادله،  
 هر کون آرتان بر بیگانه لک، بر برندن توحش، عدم  
 امنیت ! . . فقط قباحت کیمک؟ خلق تحصیلی . تربیه یی  
 رؤیاده کوره جک دکل آ . . ایکی کشتی بر پرده  
 کوروشه مه ز، مساواته دائر بر کتاب او قویاماز، برقاج  
 ملعونک موقت استراحتی ایچون ظلمت جهل ایچنده  
 قارده شندن فرقی اولمایان وطنداشترینه دشمن اولور .  
 آح لکن قان، امین اولمالیکه او اسکی عثمانیلرک قانیدر .  
 نه اولمش بیلور میسک؟ قان عینی قان اولدیغی حالده وجود



پاك ملتہ ياپيشان سولوكلر اوئی، اواجدادیمزك صاف وپاك  
اولارق براققلری قانی أمه أمه بیترمشلر . . تکرار  
ایدهرم . الله عادلر ، مظلوملری حمایه ایددر . . بر  
کون کلهجك، چلیك برأل او سولوكلری قوپاراجق .  
هم بو معاونت الهیهیه چوق انتظارایتمهجكز . اوزمان  
بوتون دنیا حیران اولاجق، اوزمان کوردهجكزكه بو  
بربرندن متفرخلق، یومیلیونلرله قاردهشلر اتحادایدهرك  
ال اله اوج ترقیه صعود ایدجكلر، ایشه اوزمان . .  
اتحاد وترقی . . .

( قانییه یاقلاشان بر آیاق سسی اوزهرینه نهاد  
صوصارق قانییه دونهر »

## ایکنجی مجلس

اولکیلر ، کاظم پاشا

( پاشا ممنون ومستریح بر طورله قاپودن کیردر .  
نهاد آباغه قالقار برایکی آدیم کیری چکیلیر . لیلا پدرینه  
دوغرو بر قاچ خطوه ایله ریلهر . )  
پاشا - ناصیاسیکز چوجقلر ( نهاد توجهمله انازدری  
کوستهرهرك ) او . . ینه غزتهلر دولمش ، نه وار نه یوق ؟ !

نهاد - ( سرتجھ ) حوادث چوق. فقط فنا...  
 پاشا - ( جواب ویرمیهرك ليلايه دوغرو دونهرومختله )  
 چيقمامشسك بوكون قيزم ( قاناپيه دوغرو يورويهرك )  
 مادهوازمل بوراده دگي ؟ ( نهاد كوچوك بر اسكمه  
 آلهراق اوتورور )

ليلا - خاير

پاشا - ( بر قولتوغه اوتوراراق ) آتتهك نردهه ؟  
 ليلا - ( انازهردن بر مودا غزتهسي آلارق )  
 برزيارته كيتدي .

پاشا - ( معنيدار ) ديمك اوده اوتورمقده سزك  
 حصه كزه دوشدي .

ليلا - ( قاپييه دوغرو يورويهرك ) رسم درسي  
 وار افندم اونك ايچين چيقمادم . مادهوازمل بكليورم .  
 نهاد - بن چيقمشدم براز اول كلدم .  
 ( ليلا قايدين چيقار )

## اوچنچي مجلس

كاظم پاشا، نهاد بك

پاشا - ( بر دقيقه قدر سكوت ايتدكدن سوكره )

سویله باقالم فنا دیدیکک خبرلر نه ایمش ؟ !  
 نهاد — فنا دیدیکم دکل ، فنا اولان خبرلر دییکز  
 ( دقلمه پاشایه باقارق ) سلا نیکده کزیده بکزیور .  
 پاشا — نه دیمک ؟ ! .

نهاد — ( براز حدتلی ) نه دیمک اوله جق ،  
 ما که دونیاده کیدیور دیمک .

پاشا — ( آغانی بربری اوزهرینه قویارق ، لاقید )  
 نه یانلم بربری بکه نمز یتمش ایکی بوچق ملت بریره  
 کلیرسه بویله اولور . اهالیسی عاصی .

نهاد — ( بردن بویوک بر عصیتله ویوکسک سسله )  
 اهالیسی عاصی ؟ ! اوح نه دوغروسوز ، نه حقلی  
 محاکمه ؟ ! ) بر آرایه کلش یتمش ایکی بوچوق ملت ؟ ! ) ..  
 پاشا آمریقاده ناصیل اداره ایدیورلر . . اورادده اهالی  
 بزم قدر مختلف ( سرت بر نظرله پاشایه باقارق )  
 سورارد سزه عاصی دیدیککز اهالی نی عصیان کیم  
 تشویق ایدیور ؟ اونلره نه کبی بر استراحت تأمین  
 ایدیورز ، هانکی حقوقی محافظه ایدیورز ، هانکی طلبی  
 اجرا ایدیورز که صوصوب اوطورسوتلر ؟ ظلمه می  
 تشکر ایتسینلر ؟

پاشا - ( حدتله ) نه نقصانلری ، نه راحتسزلقلری وار .

نهاد - ( هیجانله ) نه نقصانلریمی وار ؟ پاشا بونی هانکی حقله سویلیورسیکز ؟ معارفک ترقیسی ایچین مکتبلر، دارالفنونلر، غزتلر، تیاترولری آچدیکز ؟ تجاره سهولت اولمق اوزره یوللر، شمندوفرلری یاپدیکز ؟ زراعتک ترقیسی ایچون نمونه چیفتلکلی، زراعت معلملریمی موجود ؟ عدالتک، حقک محافظهسی ایچین حاکملیکزمی وار ؟ جانی، ناموسی، مالی صیانت ایچین ضابطهیی می یولنه قویدیکز ؟

پاشا - ( برازمتحیر، فقط ملایم ) سایه شاهانده بونلرک هیس واری، هپسی موجود

نهاد - ( بویوک برعصیت وحدتله ) اوت وار، وار هیس واری . . . پاشا ! معارفی، مکتبلری محو ایتک ایچین ترتیب اولونمش بر اشیقا چتهسنه، غزتلری برر دیا مجموعهسنه، تیاترولری خلقه تعلیم رذالت ایدن اشنع بر شیئه بکزه تدیکز . تجارت اولماسین دییه یوللری قاپاندیکز، کوپرولری یقیدیکز، شمندوفرلری اجنیلرله لصاددیکز، عدالتی، حقک محافظه ایچین اوילה حاکم

تعیین ایتدیکزکه زندانلر حبسخانهلر، مظلوملر، حمیتلرله؛  
قوناقلر، کاشانهلر قاتلر، خرسزلرله دولدی. جانی،  
ناموسی، مالی صیانت ایچین اوילה بر ضابطه تشکیل  
ایتدیکزکه انکیزییونه رحمت اوقوتدی. ناموسی اولانلر  
محو، حمیتی اولانلر قهر اولدی. اُک غیور وطنداشلیرمز  
سفالت ایچنده آج قالدی .

پاشا - ( بو سوزلرک تأثیری آلتنده شاشقین ) نیچین  
جانم، لطف کوره نلر یوقی ؟ رتبه آلان ، پاره قزانان  
افراد ملت دکلې؟..

نهاد - ( آشکار بر تحقیرله ) انکار ایتیمورم . وار ،  
بونلرده وار .. هم پک چوق وار .. لزومندن قات قات  
فضله لطف کوره نلر وار .. فقط اونلر افراد ملت دکل ؛  
خائن ملت، بر سورو مستبد، وجدانسز بر آلائی مرتکب،  
حدسز حسابسز اهالی بی صومقله کچنیر بیکرله حیدود.  
ایشته هپ لطف کوره نلرک ، زنکین اولانلرک ، خدمت  
بولانلرک ، معاش آلانلرک بر چوغی بونلر ( مستهزیانه )  
تقدیر ایدلم. چالیشدقلری قدر قازانیورلر .

پاشا - ( پک حدتلی ) نهاد صاحبالیورسک .

نهاد - ( تهیج و أسفله ) بالعکس هیچ صاحبا دکل ،



اولدینگی کی تمامیه حقیقی سویلیورم (استهزا ایله) سز  
چالیشانلردن، قازانانلردن بحث ایتیمورمیدیکیز (۱۹)..  
(پاشا بو آراق حدتله یرندن قالقاراق دولاشمغه باشلار)  
فقط چالیشانلردن بحث ایدهرکن صفتلرینی، صنعتلرینی؛  
یعنی خفیه لکلرینی، حیدودلقلرینی سویله، یوردیکیز. هیچ  
دوشونمورسیکیزکه بوراده یکرمی اوتوز کشتی میلیونلره  
مالک اولمق ایچین رقابته قالدیشیرکن اوتوده بیکلرجه نفوس  
سفالت ایچنده قیورانیور.. اوت هیچ دوشونمورسیکیزکه  
اونلرک حقی غصب ایدیور، لقمه سنی ییورسیکیز.

پاشا — (اسکملهیه اوتورارق، حدت وحیرتله) نه یابانم  
افندم؟ اها لینگ زوکورتلکندن بز می مسئوز.

نهاد — (غایت سرت وعصبی) اوت پاشا سز، سز لر  
مسئولسیکیز. صوصمایکیز، بویله دورمایکیز، حقیقی افندیکیزه  
آکلاتیکیز.. وطن کیدیور، ملت محو اولویور دیکیز.  
بونی سویله، دیکیز ایچین سز مسئولسیکیز. غزت لارک  
اغزینه ووردیغکیز مهرله «سایه شاهانده آسایش برکالدر»  
جمله سنی هرکون یازدیره جاغکیزه اهالی آجدر. عسکر  
چیلاقدرد. مالیه خزینه سی بوشدر طرزنده اعلان  
ایتدیریکیزکه هرکس نه اولدینگی ییلسین.. بوناری

ياپديرماديغنز ايچين ، ايشته تكرر ايدييورم ، هيچنر  
مسئولسيكز . ( آياغه قالقارق ) ملته صاف و خالص  
بروجدان ايله خدمت ايتمك ايسته ينلرك اللريني باغلاديغنز  
ايچين مسئولسيكز ، اونلرك قوللريني باغلاياجغنز يرده  
يوللريني آچيكنز . سربست براقيكزكه ايلريله سينلر ، طاشان  
نهرلره چكيلن سدر كي اوكلارينه حائل اولمايكنز صوكره  
بركون كليركه او پك صاغلام ظن ايتديككز سدر  
ييقيليرده مانع اولانلرك اوزرينه مزار طاشي اولور .

پاشا - ( حدت و حيرتندن بر شي سويله مه يه مقتدر  
اولاميارق و عصبي بر هيجه ناله بكزي صارارارق )  
نهاد . . نهاد . .

نهاد - ( عمجه سنك حدتنه اهميت ويرميه رك و سسي  
تيره يه رك شدتله دوام ايدهر ) براقيكز ، الله ايچين براقيكزكه  
سزلرك ، وکلانك ، بوتون سراي خلقنك ياپاماديغني ،  
ياپمق ايسته مه ديكني ياپسينلر ... بو عزيز وطني دوشديكي  
خندكدن چيقارسينلر . . قايپمق ايچين آچيلان قوللردن ،  
آلماغه حاضر لانان آلردن قورتارسينلر . . ملتك حق  
مشروعني ملته ويرسينلر . .

پاشا - ( نهادك سوزيني كسه رك متحيرانه ) نهاد

چیلدیر دیغنه حکم ایدیورم .

نهاد - ( پنجره ده دوغرو یورویرهك ) حقكز وار ،  
شیمدی یه قدر چیلدیر مادیغمه بنده حیرت ایدیورم .  
اوف یاربی نه در بو ظلم ، نه در بو استبداد . . بوکا  
هانکی وجدان تحمل ایدر .  
پاشا - ( حدتله ) نهاد بو سوزلری بردها تکرار  
ایتدیکنی دویماییم .

نهاد - ( بردن عمجه سنه دونهك ) یحین ، خفیه لرمی  
دویاجق ؟ الله هپسنی قهر ایتسین . اوح قطعاً بیلکزرکه  
وجدانك سنی دیکله مکدن واونك امر ایتدیکی کبی  
حرکت ایتمکدن بنی هیچ برشی منع ایده مز .

پاشا - ( تالاش و ملایمتله ) هم کندی باشکی هم بنم  
باشمی بلایه می اوغراناجقسك ؟ بوکون سن کندی بنی بیلمیور -  
سك ؟ اونك ایچون سنی عفو ایدیورم سنی چو جو قلعگدن  
بری یانمده بویو تدم هیچ برشیده لیلادن آیر مادم ، وبوندن  
بویله ده آیر مق فکر نده دکل .

( نهاد یورغون بر طورله اسکملهك برینه اوطورور  
پاشا دوام ایدر ) شیمدی کوستردیکك شو طوردن برشی  
آ کلامیورم . دولتی دوزه لتك سکامی قالمش صاحبی  
دوشونسون بزه نه ؟

نهاد - ( غایت عصبی ) لکن پاشا، اونك صاحبي سن،  
بن دگلي يز ... آ! سز دكسه كز اوني بيلم فقط بن وبوتون  
عثمانلير اونك صاحب حقيقي سي يز .

پاشا - ( غایت ملایم ) بويله مضر غزتهلری او قویوبده  
حد تنمكده، مخاطره لی شیلردن بحث ایتمكده نه معنا وار.  
نهاد - ( دالغین دالغین کولومسه یه رك یاواش سسله )  
مضر غزتهلر.. مخاطره لی شیلر (هیچ اهمیت ویرمه دیکنی  
ایما ایدر بر طور له دو داقلرینی بو که رك) اوف نه بوش سوزلر ...  
پاشا - ( حدتله ) نهاد حدیکی تجاوز ایدیورسك؟  
بو گونه قدر بنم اككممله ، بنم سایه مده بویودك )

نهاد - ( پك متأثر و صوك درجه هیجانله پاشانك  
سوزینی كسه رك ) پك بویوك بر خطا ایتشم .  
پاشا - یازیق که بو قدر زمان استقبالیکی تأمین ایچین  
چالشم. یارین او بر کون شورای دولته تعیین اولونا جق،  
بر قاق بیک غروش معاش ایله راحت راحت کچینه جکسك.  
نهاد - ( استهزا ایله ) اوح نه بویوك سعادت !.. بوسنده  
شورای دولت اعضاسی ! وطندا شلرم بیک دورلو ظلمه  
کوکس و یروب چالشیلر کن بن استبداد قولتو قیلرنده راحت  
ایده جکم .. ترفیع ایچین ظلم ایده جکم .. ترقی ایچین

او ییقه جغم . . . حاصلی بر قاج غروش ایچین وجدانسز،  
ناموسسز، دینسز اولاجاغم او یله می ؟

پاشا - ( فوق العاده حدتله ) خائن؛ دولت مأموری  
اولمق، پادشاهنه خدمت ایتمک دینسز لکمیدر .

نهاد - خایر پادشاهه کتم حقیقت ایدهرک خائنانه  
منفعت شخصییه سنی تأمین ایتمک دینسز لکدر . . مثلاً شریعت  
مقدسه احمدیه مشروطیتی امر ایدهرکن صرف منفعت  
شخصیه سی ایچین فکر استبدادک مروجی اولمق، ایشته،  
ایشته ( فوق العاده عصبی ) آکلایور میسکز پاشا، ایشته  
بو دینسز لکدر .

پاشا - ( فنا حالده قورقارق ) بنمی بونی یاپیورم  
( نهادک سکوتی اوزرینه نه سویله جکنی شاشیرارق )  
نانکور! .

نهاد - ( بردن آیاغه . قالقارق ) اصلا . . .  
پاشا - ( آیاغه قالقار دولاشماغه باشالار بر لحظه  
سکوتدن صوکره کندی کندینه سویله نیر کی )

طبقی باباسی کی . او وطن دیهرک کندینی برکلهیه قربان  
ایتدی بوده استبداد دیه تیمارخانهیه کیده جک . . الله  
ویرسینده بکا بر ضرری دوقونماسین .



نهاد - . ( حديد و مستهزی ) تش-كر ايدەرم .  
 پدريمە بگزەديكمى اعتراف ايدەرك بنى احيا ايتديكز  
 پدرمك قانى هر زمان دامارلرمدە دورايتديكنە اك كوزل  
 مثال سزك يانكزده بويوديكم حالده ايشته هيچ بر زمان  
 ياكلش فكرلريكزه ؛ فنا حسلريكزه تابع اولمادم  
 اوت طبقى پدرم كى . او ، سزك سرايدەكى ( مستهزی )  
 موجب شرف ايشلريكزه اشتراك ايتەمك ايچين محاربه يە  
 كيتەمكى ، ملتە خدمت ايتەمكى ، يونان سفرندە اولەمكى ، دها  
 دوغروسى سزك قرده ش-يكر اولمق فلاكتە قاتلانماق  
 ايچين اتحار ايتەمكى ترجيح ايتدى ( مردانه ) مملكتنى  
 مدافعه ايدركن ، وطنى اوغرينە چاليشيركن بر كله اونى  
 جنتە قدر اوچورتدى بو بويوك سعادت او كادە يتيشير ،  
 بكادە .

پاشا - ( بردن نهادك قارشى سنده دورارق حقارت  
 ودهشته ) ايىكه قيزمى آلمان نه آدم اولديغى ميدانه  
 قويدك . . .

نهاد - ( رنىكى صارارارق و تتيدهرك ) قيزيكز ..  
 ليلا . . ( شاشيرارق ) اونى سويلەمەيىكز ( تاثرله )  
 ايشته سزه لايىق اولميان بر شى وارسە اوده قيزيكز در .

( حرمتله ) اویله بر اولادیکز اولدینی ایچین اللیه کیجه  
کوندوز شکر ایدیکز .

پاشا - صوص قیزی بر دها آغزینه آما .

نهاد - ( قاپی به دوغرو یورویه رک ) اوث آغزیمه  
آلیاجم فقط اونی هر زمان برملیکه صیانت اولمق اوزره  
قلیمده صاقلیاجم

پاشا - رذیل . . .

نهاد - ( عدم تنزله پاشایه باقهرق ) وظیفه می  
اکمال ایدنجه کله جکم و اوکا کندیسنه لایق بر استقبال  
حاضر لادیم، سعی و ناموس ایله قازانیلمش بر استراحت  
تأمین ایده جکمی اثبات ایدوب آلوب کیده جکم ( مرد  
و جسور ) او زمان سایه کزده بسله میه جکم سعیمه  
کچن دیره جکم .

پاشا - ( اولدینی یرده دورور و تیره یه رک ) آچاق ..  
هیچ اوتانمادن اولادیمده آل اوزاتیور ( تهدیدکارانه  
بر ایکی آدیم ایله ریله یه رک ) دفع اول اورادن .

نهاد - ( اودا قاپیسی آچارق ، عظمتله ) تلاش  
ایتمه ییکز ذاتاً اوتوراجق دکلم فقط اونو تماییکز که قسمت  
اولورسه ینه کله جکم و او وقت یالکز کیمه یه جکم ( حیقار ) .

## دردنجی مجلس

پاشا (یا لکنز) صوکره کهیا ابراهیم افندی

پاشا - ( نهادهك چیقدينی قانییه دوغرو باقهرق )  
 اوغورسز کوچوگ یاشنده آنه سنك، صوکره ده باباسنك؛ باشنی  
 یه دی باشیمده قالدی ... شیمدیده آدم اولدم ظن ایدیورده  
 عقلنك ایرمه دیکی شیرله قاریشیور (برمدت دوشوند کدن  
 صکره چنغراق دوکمه سنه باصار قاپیدن زیور کیره ر )  
 ابراهیم افندی کلدی می ؟

زیور - اوت افندمز !

پاشا - بکا کونده ر .

( زیور چیقار برمدت صوکره ابراهیم افندی  
 کیره ر )

پاشا - ( برقانه په یه یاصلا نارق ) قومپانیه نك ادامیله  
 کوروشد کی ؟

ابراهیم - اوت افندمز

پاشا - نهایت نه یه قرار ویردینکز ؟

ابراهیم - تنظیم ایده جکری شرطنامه بی شورای

دولتجه بلا اعتراض قبول ایديله جکفی درعهده ایدرسه کز  
قرق بيک لیرا ویره جکلر .

پاشا - ( لاقید ) آدام سنده او قولای .. فقط هیچ  
اولمازسه الی بيک لیرا اولسون ویرسه لردی .

ابراهیم - بونده پک بویوک کار اولمیا جاغندن  
قورقیورلر .

پاشا - سن بواقشام کیت برکورش . صوک قراری  
ویر سینلر . بوایش بنم جانمی صیقماغه باشلادی . ( کندی  
کندینه مستکره بر ادا ایله ) قرق بيک لیراده آز پاره دکل  
( ابراهیمه ) باشقه نه وار نه یوق ؟

ابراهیم - بوصباح سکز یوز لیرالق بر جکله بر رجا  
نامه آلدیم .

پاشا - مستهزیانه بکانه ؟

ابراهیم - ( متبصبصانه ) شبهه سز افندم . ولی نعمت  
ایچین برشی دکل .. بوپاره یی أفندیملرک بنده لرینه قارشی  
دائما عنایت بویوردقلری توجهدن استفاده ایتمک ایچین  
قولکزه کوندر مشلر در .

پاشا - ( قابا بر غرورله ) نه ؛ آکلادق سویله باقالم  
کیمدر ، ینه نه ایستیور ؟

ابراهيم — يىمانجى دكل افندم بغداددەكى رحىمى افندى قولكز. مقدار كافى معاشلە مجلسلردن برىنە قايرىلماسى..  
پاشا — (سوزىنى كسەرك) اولاد بو پك آز دكلى ؟  
كچن كون شوراي دولتە اعضا اولمق ايچون يىنە سنك واسطەكلە مراجعت ايدن متصرفى رد ايتىدىكى اونوتدكى ؟

ابراهيم افندى — اوت افندمز .. فقط رحىمى افندى كوله كز پك اسكى بندكانكزدند.

پاشا — هايدى نه ايسە سنك خاطر ك ايچين عرض ايدەيم . بو اقشام جك بدلنى نامە بانقەيە تسليم ايت اقشام سىدى كتيريرسك . (جىيىندن كوچوك بر قورشون قلميلە بر دفتر چىقارارق) هانكى دائرديە تعيين ايدەلم ؟  
ابراهيم — راي دولتكزە مداخلە ايتمك حدم دە كيلدر فقط ماليەدە قدرى بكدن باشقە هيچ بر بندە كز يوقدر . مجلس ماليەدە بر قاچ متداريكز بولونسە خدمت عاليارندە بولنان بو عاجز بندە لريكز ، دهازيادە حسن خدمت برازينە موفق اولورلردى .

پاشا — حقت وار . اوراسى براز كەوشەك ، بونىدە مجلس ماليەيە تعيين ايدەلم (الندەكى دفترە بر قاچ كله قيد

ایدهر ( باشقه بر رجا فلان وارمی ؟ )

ابراهیم - خایر افندمز .

پاشا - او حالده بو اقشام شو قومپانیه نك و کیلیله  
کورشمکی اونوتما .

ابراهیم - افندمز خدمت ایتک فرصتی هیچ بر زمان  
غائب ایتهم .

پاشا - آشاغی اودا دهکی ظرفلری کتیر بر ازده  
ژورناللرد باقالم . ایشه یارار بر حوادث وارمی .

ابراهیم - باش اوستنه افندمز ( ابراهیم افندی  
چیقار )

پاشا - ( کندی کندینه براز دوشوندکن صکره ،  
مستکره بر خنده ایله ) سکز یوزلیرا .... قیسه کونک  
تجارتی آزاو لور دیرلر ؛ لکن شو قومپانیه ایله اویوشور-  
ساق فنا اولمیاچق .

( ابراهیم افندی آئنده قیرمزی مهر مومیه  
مهرله نمش ایکی بیوک ظرف اولدینی حالده کلیر )

پاشا - ( ابراهیم افندی به پنجره یه یاقین بریر کوستردک )  
اولا خصوصی ژورناللری آج ضبطیه نککیلر دورسون ..  
اونلری دکله رکن عادتا جانم صیقیلیور صاحبه صاپان شیلر .



ابراهیم - (کوستریلن یره حمزه ألف کاری اوتورارق  
ظرفلردن برینی اچار وایچندن چیقان متعدد ظرفلری  
یاننده کی اسکمله یه قویارق بر دانه سنی آچار) مساعده  
ایدرسه کز قرائت ایدیم .

پاشا - (غایت وقورانه قانابه یه یاصلانارق) اوقو .  
ابراهیم ( اوقور ) معروض بندملری درکه ؛ جمعیت  
رسومیه اعضالغی کی معتنا وموجب مفخرت بر خدمته  
استخدام اولئان حسین حلمی بك کوله لری وجیه  
عبودیتله هیچ بر زمان قابل توفیق اولمیا جق صورته  
اسا ا ارزوی عالی یه مغایر اولارق بویوک آداده استکرا  
ایتدیکی خانه ده بعض اجنبی واحوالی مشکوک کنجلرله  
عقد مشورت ایتدیکی رأی العین مشاهده اولنمغله عرض  
کیفته ....

پاشا - ( ایلله دورماسنی اشارت ایدرک ) بونی شویله  
برطرفه آیر مهم کی کوزوکیور . ایجاب ایدنلره حواله  
ایدلم .

ابراهیم - ( اوکاغدی بر طرفه بر اقوب بر دیکرینی  
اچار و اوقور ) معروض داعیانه مدرکه ؛ محله من  
ساکنلرندن وبتلسی دفتردارلغندن منفصل حاجی مصطفی

افدينك خانه بنده كچن كيجه آشجي بنده كر افنديء  
مومى اليهك اوشاقلريه كوروشمكه ايكن قاي چالينوب  
اشجي قياقتنده بر آدم كمش وبو آدمك خاقان سابق  
سلطان مرادك آشجیلرندن اولديغي حال و مشوارندن  
آكلاشيلمش اولمقله بيان كيفيته مجبوريت صداقت الويرمش  
اولوب اولبابده و هر حالده امر و فرمان حضرت  
من له الامر كدر .

الداعي

### محمد الوهي

پاشا - ( جدی بر طورله دوغرو لارق ) نه ؟ خاقان  
سابقك آدملى شونك بونك اونده كز سينده ضبطيه  
نظارتنك بوندن خبرى اولماسين ها ؟ تخصیصاتلرينى  
نه ياپيورلر ؟ بن اونلره كوسته ريرم . ديمك محمد وهى  
افدينك آشجي سى ده او آدمله كوروشمش . بو ايكي اوده  
بولاشدى ديمكدر . كرك ژورنال ايتديكى حاجى مصطفى  
افندي يي كرك محمد وهى يي آشجي و اوشاقلربله برابر  
يارين توقيف ايتسينلر . حقلرنده معامله شديده اجرا  
ايديلسين، ايش اكلاشيلسين . .

ابراهيم - باش اوستنه افندمن .

پاشا - بر دیکرینی اوکو  
(ابراهیم آفندی دیکر بر ظرفی اچارکن پرده اینهر)

برنجی پرده نك نہایتی



## ایکنجی پرده

( صحنه کاظم پاشانک قوناغنده عینی برنجی پردده کی اوده نی )  
( ارائه ایدر )

## برنجی مجالس

پاشا . . . زوجه سی . . . صوکره بر خدمتچی . . .

( پرده قالدینی زمان کاظم پاشا قولنک آلتسه  
کوچک بر یاصدیق صیقیشدیرمش عظمتله قاناپه یه  
یاصلانمش دالغین نظرلرله سیغاره سنک دومانلرینی تعقیب  
ایتدیکی کوریلور . یانده کی قاپودن پاشانک زوجه سی  
خفیف بر او توالتیله کیردر . پنجره یه دوغرو یورر . .  
طیشاری باقار . غیر معین بر حرکتله نه تازدرک اوزرنده کی  
غزته لری دوزده لیر . مصور بر غزته ایله برموده غزته سی  
آیره رق قولتوغنک برینه اوطورر . بر لحظه سکوتدن  
صوکره . . . )

پاشا - لایلا نروده ؟

خانم - ( بر سیغاره یاقوب سیغاره اسکمله سنیده یاننه  
چکیرک . ) بیلیم اوده سنده اوله جق . . . بلکهده  
باغچه ده در .

پاشا - ( دالغین ) نهادی کوردکی ؟

خانم - ( لاقید ) یو . . .

پاشا - کیجه کلشمی عیبا ؟

خانم - البت کلشدر . نه اوله جق سزه لازمی ؟ !

پاشا - ( آیاهه قالقوب الکتریق دوکه سنه باصهرق )

اکلاملی نه وقت کلش . . نه وقت چیقمش ( خدمتچی  
کپرر . . المرینی باغلایه رق قاپونک اوکنده دورر )

پاشا - نهاده بک بوراده می ؟ . .

خدمتچی - بیلمیورم افندم .

پاشا - کیجه کلدی می !

خدمتچی - خبرم یوق افندم صباحلین قهو آلتی

ایسته مه دی . الیسه لرینی ده بن آلامدم .

پاشا - صور، باق . . کیجه نه وقت کلش، بوکون

ساعت قاچده چیقمش چیقارکن بر شی سویله مشمی ؟ !

خانم - ( شکایت طرزنده ) الله الله . . بوده بوکون

خیقدی . . کهیالقمی ایده جکز . .

پاشا - ( جواب ویرمز . . اندیشه ایله دولاشیر .  
خدمتچی کیزر ) بوراده می ؟  
خدمتچی - خایر افندم کله مش . کیدر کن ده کیمسه  
کورمه مش .

پاشا - ( یوکسک سس وحدتله ) کیجه کله مش ها،  
بوراده یاتمامش . . بردها بورایه اوغرامه مش دیمک  
(تلاشه دولاشمغه باشلار . خدمتچی به چیقمه سنی اشارت  
ایدر ؛ خدمتچی چیقار )

خانم - ( حیرتله پاشایه باقه رق ) جانم پاشا ، نیه  
تلاش ای دیورسک ؟ چوجوقمی ؟ غیب اوله جق  
دکل آ ؟ . . آلت شمدی کلیر . ( یواش سسله ) قوغسه ق  
کیتمز . . صانکه بیلیمور  
پاشا - ( حدتله ) کیتمز می ؟ . ( کندی کندینه )  
ایشته کیتمش که کله مش .

خانم - آمان پاشا چیلدیره جغم . بونه مراق ؛ زرده  
کیده جک آلاک حریفی حبس ایده جک دکلزیا . . اونک  
اوده او طور دینی واری . . کیجه کوندوز سوقا قده هر  
کون نه وقت کلدیکنی ، زرده کیتدیکنی ، نه یادیغنی  
بیلیور می یز ؟ .



پاشا - ( جان صیقینتیسنی ایما ایدر بر طور له قاشلرینی  
چاته رق او طور دقدن صوکره ) اک بویوک فنا لقه  
اوراده یا . . نه یاپدیغنی ، زه یه کیتدیکنی بیلمه دیکمز  
ایچون مراق ایدیورم ( عصبی ) چکه سی طور من ،  
کندی کبی اوچ بش چیلغین ایله متصل سویله نیر ،  
طورر . . سرایده بو قدر دشمن وار . . اونلره کوزل  
بر وسیله اوله جق . ( دوشونهرک ) اوت شم دیکی  
کنجیلر بر آز اوقومه اوکرن دیلر می کندیلرینی بر شی  
اولدق ظن ایدیولرده کیمسه بی بکن مییورلر . بیلیم که  
بو کیدیشه حاللری نه اوله جق .

خانم - ( پاشانک مقصدینی اکلا یه رق ) الهی پاشا  
شم دیکی کنجیلر دیوبده هپسینی نه قاتییورسک . . نه  
عقللی ، تربیه لی ، ایشنی بیلیر کنجیلر وار ( بر لحظه  
ترددن صوکره ) خاطرک قالماسین آما سنک صویک  
بر آز بویله . . قرده شکده طبق اوغلی کبی کبرلی ،  
غنادجی دکللی ایدی . ایشته بوده اوکا چکمش .  
کور میور میسک ؛ سن اوئی آدم ایتکه چاشدقجه اونک  
بورنی قاف طاغنه حیقییور . براق . . ارایان مولاسنی ده  
بولور ، بلاسنی ده ؛ دیرلر .

پاشا — دوغزو . .

خانم — بو کونلرده بوسبوتون به تر، بر شی بکنمز  
اولدی . . بر طور، بر عظمت . . ! ( بر لحظه سکو تدن  
صوکره سویله مک ایسته میور کبی ) قورقارم قیزی ده  
زیان ایده جک ( جعلی بر حرمتله ) دوشونویورم سنی  
صایمیان اونیی صایه جق . اوغراشوب یرلشیدردیکنه  
کوره باری بر آدم اولسون؛ یارین او برکون آلی اکک  
طوتجه بزه حکم ایتمکه قالقیشه جق .

پاشا — ( مترددانه ) بوایشی بن ده دوشونویورم اما لایلا  
ایستیورسه دیه . . .

خانم — ( بردن عصبی بر هیجان وحدتله پاشانک  
سوزینی کسهرک ) امان یاشا صوص کیمسه طویمسون  
صوکره قیزک قولاغنه کیدر . انا ، بابا ایشنه قاریشـمق  
اونک حدیمی ؟ . . . ( آمرانه ) بز راضی اولمدقـدن  
صوکره . . نهاده بر طشره مأموریتی بولوب بورادن  
اوزاقلاشدیری ویررز اولور بـیتـر . لایلا آرقه سی صره  
اورالره کیده جک دکل آ ! . . .

پاشا — ( دوشونه رک ) اوله بیلیر ، ذاتاً نهاد شورای  
دولتی بیله قبول ایتمیور .

خانم — ( حیرت و تلاشه ) ناصل ناصل ، شورای  
دولتی ده می قبول ایتمیور ؟

( مستهزایانه ) بك افندی ناظر می اولمق ایستیور!...  
پاشا — یوق جانم . . بن چالیشوب وطنمه خدمت  
ایده جکم دیور .

خانم — ( ممنونیتله ) بن سزه هر وقت - ویلیورم بالاهی  
بوچو جوغلك عقلمده نقصانی وار. کیه مسه نك یامدیغی ایشلره  
قالقیشیر. انسان او طور دینی یرده انه کچن نعمتی ته پهرمی ؟  
پاشا — اونك قفاسنده اولورسه ..

خانم — پکی ایسته مییورده نه دیور .

پاشا — بویله مسکینلر کی او طورده مام .. وجدانمدن  
اوتانیرم دیور. دولته خدمت ایت؛ دیدم، مأمورلری ناموس سزلق،  
دینسز لکله اتهامه قدر قالقیشدی.

خانم — سبحان الله! نه قدرده باباسنه چکمش. بونه ده  
راحت باتیور ظاهر: یوق یوق پاشا لیلایی بن بوکا ویردم ..  
اونك النده خیر پالانه جغنه وارسون بر آز اوزولسون ..  
کنجدر، نه اوله جق بویله اساسسز شی ایچون برقاق کون  
اوزولی ویرسین صوکره حقیقتی کورنجه بزده دعا ایدر، او طورر.  
( پاشا دوشونه رك جواب ویرمز ) برده دمیندن بری

نهاد گله‌دی دیه اوزولوب دوریورسک.. وارسون کلسون،  
ایسته دیکی یره کیتسون، چالیشسون، بقالم. نه‌ایش کوره‌جک  
(براز دورددن صکره) او کیدنجه بزده لیلائی کندیمزه  
لایق، زنکین بریسنه ویررز. کچن کیجه سزده سویله، شدم..  
نعمت خانم سویله به سویله به بیتیرمدی. لیلائی بکنیورلر مش.  
بزده بایلییورلر مش؛ هله سنک مدحنی چوجوق بیتیردیور مش..  
دها ای سنی بوله جق دکلزیا.. هیچ اولمزسه ایتدیکمز ایولکی  
آکلار، قدریمزی بیلیرده بزده حرمت ایدر.

پاشا — نه‌ایسه ایلروده دوشونور. برشیئه بکزد تیرز.  
خانم — (عصبی) دوشونه‌جک نه‌وار! نهاده ویرمه‌یز  
والسلام. سزده هرشیئی بویله اوزاتیرسکز.

پاشا — هله کلسونده..

خانم — قوزوم پاشا لیکیده برده بونی تکرار ایدوب  
دوریورسک.. هله کلسونده! (صبر سزلقه) کلیوبده صانکه  
نه‌یابه‌جق.

پاشا — دون بکا داریلوبده کیتدی ده!.

خانم — (حیرتله) نیه؟!...

پاشا — (اندیشه‌لی) بر آز حدتلی ایدم.. برقاج سوز

سویله دم اونک ایچون...

خانم - ( مسرتی بلا اختیار اظهار ایدہ رک ) بوتون  
 دوشوندیكك بومی ایدی؟ الہی پاشا سنك ایکی سوزینہ  
 داریلوبدہ اوتامہ دن قاجار سہ اوغورلر اولسون! ..  
 اونی استانبول سوقاقلرنده کیم بسلہجك .. سوقاقلر  
 طاش دولو آلتون دکل .. ( تفاخرلہ ) سایہ کدہ پاشا  
 چوجوقلری کبی بویودی . مراق ایتہ بر یرہ کیتمز ..  
 های جبی دلیك مسقرہ های! ..

پاشا - اونی مراق ایتدیکم دن دکل .. آغزی بوشدر  
 بکا بر سوز کتیرہ جکندن قورقویورم ( مفتخرانہ ) حمد  
 اولسون کیمسہ دن قورقمام اما قرده شمك اوغلی بولنمش  
 هرکس اومده کوردی . بونی دوشونیورم؛ یوقسہ نہ حالی  
 وارسہ کورسون! ..

خانم - اللہہ شکر سزہ کورہ نہ ؛ ( متأسفانہ ) نرہدہ  
 ایسہ کلیر ، کورمییورمیسك او یرلشمکہ باقییور . لیلا یہ  
 ایتدیکی معاملہ میداندہ . کتیردیکی کتابلرک حدی حسابی  
 یوق . قیزك آخلاق بوزیلہجق دیہ اودم قوپویور ؛  
 مادموازلہ صوردم . ضررلی شی یوق دیور اما بر درلو  
 ایچم راحت ایتیور .. خیرلیسیلہ بر کیتسہ فنا اولمیہجق !  
 ( بو صرہدہ قاپو اچیلہرق لیلا ایچری کیرر . )

## ایکنجی مجلس

اولکیلر - لایلا صوکره زیور اغا ...

لایلا - (محاوره نك صوك كله لرینی ایشتیره رك والد سینه  
تبسمله سورار) کیمك کیتمه سی فنا اولیه جق آننه؟..  
(خانم جواب ویرمه مك ایچون باشنی پنجره یه دوغرو  
چویرر) .

پاشا - (بر آز بوزوله رق) شی ... باغچوانی  
سویلییوردق ده!..

لایلا - اکر عربه جی ایچون اولسه ایدی بنده اشتراك  
ایدردم ... مادموازل سویلییوردی ؛ حیوانلره ای  
باقییورمش ، سایلرلك کیفنه براقش .. (شاقدا یتك ایسته یه رك)  
حیوانلره بو قدر فنا معامله اولنورمی ؟ نهاده کچن کون  
حیوانلر شمدیکی مأمورلرك پك چوغندن دهایی در ؛  
دییوردی .

پاشا - (عظمتله) قووو ویره ایدك قحطلنی یوق یا...  
(یاننده کی اسکمله یی کوستره رك) اوطور قیزم.

لایلا - خایر پاشا بابا اوطوره جق دگم ؛ نهادی آر یورم.  
خانم - (بوزوق بر چهره و عصبی بر سسله بردن)  
نه یاپاجقسك ؟



لیلا - ارقداش لری کیش صوریور لر .. مطلق بوراده  
بولنه جقدی، کلدیمی؟ دیمش لر.

پاشا - سکا کیم سویلدی؟  
لیلا - زیور؛ .

پاشا - هایدی قیزم زیوری بکا چاغیریور .. (لیلا  
چیقار، بر آز صوکره زیور کیرر).

پاشا - نهادی سوران کیمدی؟  
زیور - عاصم بکله حق بک افندم.  
پاشا - بکلیور لرمی؟

زیور - خایر افندم کیتدی لر. بر آز صوکره کلیر زدیدیلر.

پاشا - بو کیجه بوراده اولمدیغنی سویله دیکز می ...

زیور - بیلیموردم افندم؛ چیقمش دیدم.

خانم - (حدتلیجه) نهاد بک کلیر سه سویلر سکنر.

کلر سه ارقداش لرینه کلدی دیر سکنر والسلام.

زیور - (برتمنا ایدهرک) های های افندم (دیر چیقار).

پاشا - بن بزم اسماعیل بکه کیتمشدر ظن ایدیوردم ..

حالبوکه اوغلی عاصم بک ده اوئی بوراده آریور. (اندیشه ایله)

باق دیمک اورا یه ده کیتمه مش ...

خانم - آمان پاشا ینه مراقه باش-ایوب رجا ایدرم

جامی صیقمه.. نهادك نه قدر کبرلی اولدیغنی اونوتیورمیسك..  
هیچ اوکیدرده باشقهلرینه عموجه م بنی قوودی؛ دیرمی؟  
پاشا — اوراسیده واریا!..

خانم — بن سنك یرنده اولسه م مراق ایتك دكل  
دوشونمه م بیله!...

(زیور اودهیه کیرر دوریر)

پاشا — نه خبر؟

زیور — افدم ابراهیم افندی بنده کز، افندمزی  
ممکنسه کورمك ایستیور.

پاشا — شمدی راحتمی بوزام، کیجه چاغرتیرم..  
اوله سویله (زیور چیقار).

خانم — بو ابراهیم افندی پك چککسی دوشوك برشی  
غالبا؟!..

پاشا — (محظوظیتله) یوق، یوق چالیشقاندیر. ایشکی  
بیلیر. (معنیدار) بوشه طاش آتوب قولکی یورمز.

خانم — (کوله رك) نهاددن ایی دیمك..

پاشا — او... شبه می وار؛ قات قات ایی.. ها،  
ای خاطریمه کلدی. شولیلانك ایشی ایچون ابراهیم  
افندی یه سویله یمده سنك دیدیکك چوجوغی اینجه دن اینجه یه

اکلاسون. بقالم بزه یارارمی؟  
(تکراز زیور کیرز)

پاشا — (سرتجه) ای یینه نه وار بقالم .. بو کون  
نی صیقمغه قرار ویردیکز غالباً...  
زیور — (انده کی ظرفی اوزاته رق) افندم مستعجلمش؛  
ذات عالیکزه همان تقدیم ایتهمی سویله دیلر.  
پاشا — (تلاشه) ویر بقالم نه ایمش .. نرهدن گلش ،  
کیم کتیرمش؟..

زیور — بیلمیورم افندم.. ابراهیم افندی ویردی..  
لطفی افندی بنده کز امرکزه منتظرمش.  
پاشا — پک اعلا بکلسون لزوم اولورسه خبرویررم.  
(زیور حیقار)

(پاشا ظرفی اچار کاغدی تلاشه او قور بویوک بر حدتله  
یرندن فیرلایه رق زوجه سنه خطاباً) کوردکی؟ کوردکی  
چاقینک یایدیغی؟!..

خانم — (لاقید) نه او ، سزه مکتوبمی کوندرمش؟..  
پاشا — (دها زیاده حدتله نرک) نه مکتوبی...  
ژورنال، ژورنال.

خانم — (اکلامیه رق) الله الله نهادی یازمش، او بویله.

ایشلره قاریشیورمی؟ کیمی ژورنال ایتمش؟.

پاشا - (غایت عصی) به قادین اگلا سکا.. چیلدیره جغم..  
نهاد قاقچش اونک ژورنالی .

خانم - (فنا حالده بوزوله رق و پک زیاده صارارده رق)  
قاقچشمی؟ آمان یاربی، نهاد قاقچش.. نره یه، نره یه کیتمش؟!..  
پاشا - بن بیلیرمی یم؟ نره یه.. (کندی کندینه  
یوکسک سسله) جهنمه..

خانم - او کاغدمی یازیور؟ پاشا.. سویله ناصل  
قاقچش، پازه سبز، پولسز قاقچیلیرمی؟  
پاشا - قاقچیلیریا!.. بو کون ایکی ساعت اول حرکت  
ایدن انکلیر واپورینه جمال قیافتنده کیرمش.. کیردکن  
صوکره پولیسرله اکلنمش عموجه مه سویله یک؛ سیاحته  
چیقدم دیمش...

(خانم شاشیرر قالیر)

آه! یازیقلر اولسون دها اول عقلمه کلسه ایدی  
قاقچه نک نه اولدیغنی بن اوکا کوسترردم. فقط شمدی  
بر کره واپوزه کیردکن صوکره...

خانم - (کندینی طویلهرق) امان پاشا بر ای  
دوشون شمدی هیچ برشی یاپلمازمی؟ بو قدر آدملرک،

اللهه شكر بو قدر نفوذك وار .. دورمه، امر ايت ..  
برشى ياپسونلر.

پاشا - ( تاشلا قاپويه دوغرو يورويهرك ) اوت .  
اوت حتمك وار وقت غائب ايتيهلم؛ همان چاره سنه باقالم ؛  
شو ملعونى چاناق قلعه دن چويرتهلم .. صوكره بن اوکا  
حديني بيلديرر، قياقتنى كوستيررم . ( بردن دونهرك ) خاير  
خاير سن چيق زيوره سويله ابراهيم افندى ايله لطفى  
افندى ني بورايه كتيرسين ..

(خاتم چيقار؛ بر دقيقه صوكره)

### اوچنجى مجاس

پاشا - ابراهيم افندى - لطفى افندى - زيور اغا ..  
(زيور اوكدە اوله رق ابراهيم و لطفى افنديلر كلير  
پاشانك اتكنى اوپرلر؛ زيور چيقار.)  
پاشا - ( نهادهك ژورنال كاغدينى لطفى افندى يه  
كوستردرك ) بو كاغدى سن مى كتيردك؟ ..  
لطفى - اوت افندمز .. مع التأسف بنده كز كتيردم .  
پاشا - واپوردن نيه چيقارمه مشلر؟ . نيه بكا وقتيله  
خبر و يرمه ديكر ؟

لطفی - قولگز مر کرده او طور رکن بر سیویل مأموری  
کله رك خبر ویردی در حال واپوره کیتدم . حکومت نامه  
قپودانه رجا ایتدم . حتی افندمرك موافقت ایده جکگزری  
بیلدیکم ایچون نام عالیکزه اوله رق قپودانه خلیجه برپارده  
تکلیف ایتدم .

پاشا - (تلاشله) نه ! پك اعلا . صو کرد ؟  
لطفی - فقط مع التأسف قپودان ویرمدی . . یاننده  
انکلین سفیرینك بر توصیه نامه سیله فارماصونلرك بر  
اعتمادنامه سی وارمش ؛ قپودان اولسه اولسه بر مجرم  
سیاسیدر ؛ تسلیم ایدرسمه الحق صایلیرم ، دیدی .

پاشا - (فوق العاده حدتله) های آلق ، های ! ..  
لطفی - بنده کز نعمتکزه پرورده اولدیغم ایچون  
در حال بورایه قوشدم ؛ ایش جداً فنادر . . کوکرتهدن  
ریختمده کی اهالی یه خطاباً بعض شیلر سویله دیکه افندمرك  
حدتی موجب اوله جغنی بیلدیکم ایچون پك متأسفم .  
پاشا - (حدتله) نه ادبسنرك ایتدی ؟

لطفی - (مترددانه) سرای ارکانی ایله وکلا و رجاله  
برخیلی تحقیردن صو کره . . عموجه مه سویله یکره . . امری  
اوزرینه کیدیورم . . ارتق بلکه بردها بر رمزی کوره میز . .



او، بوندن پك ممنون اوله جقدر.» دیدی .

پاشا — (بویوک بر عصیت ، قودقو، وتلاشله یرندن  
فیرلایه رق) هی! . وای آلچق ، وای خائن! دی سکا که بنی  
محو ایتدی .. اوراده کیم واردی؟ . بو سوزلری هر کس  
دویدومی ؟ ( لطفی نك سکوتی اوزرینه ) آمان یار بی بن،  
بن شمدی نه یاپه جغم .. دشمنلرم بنی محو ایده جکله .  
وای ارزل، وای خیت .. (یورغون بر طورله قولطوغه  
دوشه رک باشنی اللریله طوتار) بنی مطلق ژورنال ایتشلردر .  
لطفی — افندمزه اولان صداقم حقیقتی سویله مکه  
بنی جبر ایدر؛ اوت غالباً ژورنال ایتدیله . بوکا سریعاً  
بر چاره بولما کز الزمدر .

پاشا — (پك مایوسانه) بکا بر عقل اوکره دک (نفرتله)  
قهر اوله سی چاپقین !..

ابراهیم — افندمزه بر آز یالکز قالمق ایسته رم مساعده  
ایدرسه کز لطفی افندی آشاغیده امرکزه منتظر اولسون .  
پاشا — پك اعلا .. (لطفی چیقار)

ابراهیم — ( چینغراغک دوکمه سنه باصهرق ) شمدی  
مساعده ایدرسه کز زیوره سویلیه لمده نهاد بکک ارقداشی  
عاصم و حق بکار کلنجه ذات دولتکزک کوروشمک

ایسته دیکگری سویله سون.

پاشا - (شاشیره رق) او نه ایچون؟

ابراهیم - عرض ایدرم افندم. (زیور کیرر)

ابراهیم - (زیوره) عاصم وحق بکار کله جکلردر ..  
سز آشاغیده بولونکر .. کلهجه پاشا حضر تلرینک کندیلریله  
کوروشمک ایسته دیکنی خبر ویرکز .

پاشا - (باشیله تصدیق ایدرک) اوت، اوت (زیور حیقار)  
نه کوروشه جکر ..

ابراهیم - افندمز حدتکزدن دوشونه میورسکز ..  
بوکا مؤثر بر چاره بولمنزسه هیمز محو اولورز؛ کیم اولدیغنی  
سویله مکه حاجت یوق، اک بویوک دشمنلرکزدن برینک  
آدمی اوراده ایمش .

پاشا - (تلاشه .. عادتاً کندیندن کهرک) وای  
نه یاپه جغز ؟

ابراهیم - مساعده بویورکز شمدی: در حال ؛  
برادر زاده کزک فرار ایتدیکنی فقط بو خصوصده همان  
تحقیقاته کیریشوب بر چوق ایپ اوچلری طوتدیغگری  
سریعاً ایجاب ایدن یرلره بر تذکره ایله بیلدیررز ؛  
صوکره بورایه کله جک اولان عاصم وحق بکلری

استنطاق ایدوب بو فراردن خبرلری اولدیغنی ادعا  
ایدرسکیز .

پاشا - تمام تمام، موافق، فقط بو قدرله اولمز . .  
نهادك اوده سنی آرایه لم بلکه بو چوجوقلرك بر کاغدی،  
مضرعد اولنه جق بر کتانی بولورز .

ابراهیم - اوزمان حضور کزدن چیقنجه هرایکی سنی ده  
توقیف ایده رز . .

پاشا - هایدی بوش وقت کچیرمیه لم دوریله جق زمان  
دکل نهادك، شو ملعون خیشك اوده سنی، کتابلرینی  
آرایه لم . ( پاشا قاپویه دوغرو یورر. مترددانه دورر )

ابراهیم - ( پاشانك ترددی اوزرینه ) پاشام نهاد  
بكك کتابلرینی قاریشدرمق، اوده سنی آرامق؛ اوزون  
بر کلفت . . . بلکه ده بوشه چیقار. دائره دولتکزی  
تلاشه دوشیروب ولوله یه ویرمکدن ایسه باشقه بر تدبیر  
دوشوندیم .

پاشا - نه در چابق سویله . . بویله شیلری حرمه  
دویورمق پك ایسته م . . نه قدر اولسه قادین درلر .  
ابراهیم - حق عالیکز وار افدم، عاجزلریده بوفکرده ایم.  
بونك ایچون اك ایی یول؛ بنده کزده نهاد بكك خط

دستیله یازلمش بر طاقم اوراق واردر . اونلری تقلیداً  
عاصم وحقى بکلره خطاباً بر ایکی مکتوب حاضرلارم ..  
او مکتوبلری حقى وعاصم بکلرک اولرنده بولمش اولورز  
اولور بیتر . و ذات دولتکزک شو بویوک موفقیتی  
اوزرینه حق عالیکزدهکی شبهه تماماً زائل اولور ،  
دشمنلرکزده هیچ بر فئالق ایده مزلر .

پاشا - اه ! ابراهیم نه قدر عقیلیسک بنی بویوک  
بر بلادن قورتاردک الله-ندن راضی اولسون ! سن همان  
کیت دیدیکک کبی ایلک ژورناللری یاز ، کوندر ..  
( جبندن مهرنی چیقاروب ویردرک ) ال مهرمی  
( ابراهیم درحال قاپودن چیقار .. پاشا بر قانه پیه  
یورغون فقط کنیش بر نفس الهرق اوطورر . )

زیور - ( قاپودن کیردرک ) افندم عاصم بکله حقى  
بک کلدیلر ..

پاشا - ( بر آز کندینی طوپلایه رق ) بورایه کتیر .  
( زیور چیقار .. بر ایکی دقیقه صوکره )

## دردنجی مجلس

پاشا .. حقى بک .. عاصم بک .. زیور اغا ..

( زیور او کده، بکلر ارق-ده قاپودن کیررلر .. )

زیور در حال چیقار بکلر پاشایه یردن برر سلام ویررلر .  
 پاشا - ( یر کوستره رک ) بویورکز ، بکلر شوپله  
 اوطورکز . .

( آشنالق ایدهرک ) ایسکز انشاه ؟ .  
 هر ایکسی - اتکلرکزی اوپویورز افندمز .  
 پاشا - ( عاصم بکه ) پدر بک افندی ایدرلر انشاه ؟  
 عاصم بک - تشکر ایدرم افندم حمد اولسون . .  
 دعا کزله مشغول . .

پاشا - نه ، شو نهاد چاپقینه نه دیرسکز ؟ مطلقا  
 بکا اونک حقنده معلومات ویرمکه کلدیکز . . سزک کبی  
 دولته ، پادشاهنه صادق کنجلردن بوبکله نیر . ( هر  
 ایکسی ده حیرته قالیرلر . )

عاصم - آمان افندمز . . نهاد بک قرده شمز ذات  
 دولترینی کوجندیره جک بر قصورده می بولندی ؟ .  
 پاشا - ( قاشلرینی چاته رق ) ناصل . . خبرکز  
 یوقی ؛ .

حق بک - ( حیرتله ) بز ایکی کون اول بوراده  
 بولشلق اوزره سوزلشمدک . . کندیلری ؛ شمدی  
 بوراده دکلمی ؟ .

پاشا - ( مستهزیه، حق بکه ) کوچوک بک سن  
بک قورنازه بکزیورسک .

حق بک - حضور کرده اويله بر کوستاخلقده  
بولنق حدم دکدر .

پاشا - ( غایت مستهزی ) دیمک ارباب فساد  
التحاق ایتک اوزره فرار ایتدیکندن خبریکز یوق . .  
اويله می ؟ . .

عاصم - آمان افدمز . . اويله بر شیدن خبرمز  
اوسه بوراده آرارمی ایدک ؟ . .

پاشا - ( ینه مستهزی ) پکی، انشاه دیدیککز کبی  
حقیقه خبرکز یوقدر .

حق - ( تلاشله ) اعتماد ایتیورمیسکز پاشا  
حضر تلی ؟ . . نهاد ناموسلی چوجقدر فرار ایتدیکی  
حاله بيله . .

پاشا - ( سرت بر سسله بردن سوزینی کسه رک )  
دیمک فرار ایتدیکنی بیلیورسکز، معلوماتکز وار . . .  
حق - شمدی ذات عالیکز سویلیوردیکز .

پاشا - تأسف ایدرم . . ایش آکلاشیلیور کبی . .  
مع مافیه شبهه سز تحقیقات اجرا ایدیلیر . ( صمیمیت

کوستره رک ( شونی بکا اعتراف ایدکده بو چاقینک  
یوزندن سزهده یازیق اولسون .

عاصم - الله عشقنه پاشا نه بی اعتراف ایدهلم ؟ ! نهاد  
بزم ارقداشمزدرد ؛ اوت . . فقط فرارندن قطعاً  
معلوماًتمز یوقدر .

پاشا - ( مستهزیانه ) یکی او یله اولسون . . ( قاپودن  
زیوره سسله نه رک ) زیور ( زیور کلیر ) بکلر نهاد یکی  
آریورلر مش . . اوده اولمه دیغنی نه یه خبر ویرمه دک ؟  
هایدی یول کوسترده سلاملق اوداسنده بر آز استراحت  
ایتسونلر . ( ۱۹ )

( حق و عاصم بکلر غایت متحیر زیوری تعقیب  
ایده رک چیقارلر . )

( اونلر چیقار ، چیقماز ابراهیم افندی صاغدن کیرر . )

## بشنجی مجلس

پاشا - ابراهیم افندی . . .

پاشا - نه خبر ابراهیم .

ابراهیم - ایشلر حمد اولسون یولنه کیردی کی .

ایلك ژورنالی کوندردم ( آئنده کی کاغدی اشارت ایده رک )



ایکنجیسی ده ایشته افندم .

پاشا — او قو بقایم .

ابراهیم — ( او قویه رق ) معروضدر . . بر آز اول  
تقدیم ایتدیکم تذکرده بیان اولندیغی اوزره مع التأسف  
برادر زاده اولوب ایکی ساعت اول انکلیز واپوریله ارباب  
فساده التحاق ایتمک اوزره فرار ایدن نهاد نام شخصک  
کړک کنديسنک وکړک همپالرينک تعقيب وتادیبی مسلم  
اولان صداقتمه بناء هر کسدن زیاده بکا عائد اوله جغندن  
تعمیق کیفیته در حال مباشرت اولونوب خائن مرقومک  
رفقاسندن اولوب تحقیقات ابتدائیه شریک جرم اولد-  
قلری تظاهر ایدن عاصم وحق نام شخصلر توقیف  
اولنوب با پوسته بشیکطاش ضابطه سنه کوندرلمش اولمقله  
بیان کیفیته ابتدار اولندی . ( ابراهیم ملعونانه بر تبسمله  
پاشانک یوزینه باقار )

پاشا — مهرله دمی ؟

ابراهیم — اوت افندم .

پاشا — توقیف اولندیلمی ؟

ابراهیم — لطفی افندی امرکز اوزرینه همان شمدی

اونلری بر آراهه ایله بشیکطاشه کوتورمک اوزره در .

پاشا - (ینه بر بویوک نفس آلهرق) های الله سندن  
 راضی اولسون! . . امین اولکیز خدمتکیز مکافاتسز  
 قالمز . . لطفییه خبر ویر ترفیع ایتدیره جکم . (پرده اینز)

ایکنجی پرده نك نهایی



## اوچنچی پرده

( مشروطیتك اعلانی متعاقب )

( صحنه کاظم پاشانك قوناغنده برصالون ارائه ایدر . .  
نهایتنده قاپو، صاغده دیکر قاپو . . کوشده بر بویوک  
قاصه . . محتشم بر یازی ماصه سی . . تزینات پک  
کوزل . . . )

## برنجی مجلس

کاظم پاشا، یالکز . . بر آز صوکره، لطفی افندی . .  
کاظم پاشا - ( صاحبی ، صقالی دها زیاده آغارمش ،  
دها ضعیف، کوزلرینك اطرافی سیاه بر حلقه ایله محاط . .  
غایت محزون و مخوف؛ یازی ماصه سنك باشنده بر بایقوش کبی  
اوطوروب غزته اوقودینی کورولور . )

پاشا - ( دوغروله رق ) اوف ! بن بونلره بو قدر  
نه یاپدم؟ . ( غزته بی الندن براقه رق ) ایشته بو کون ینه  
ایکی ستون تحقیر . . .

لطفی - ( تلاشه ایچری کیره رك ) پاشام ایش کیتدکجه

فنا لاشیور؛ بر آزاوول حسنی پاشا ایله رفقی پاشایی اولرندن  
آلوب ضبطیه کوتوردیلر .

پاشا — آمان یاربی

لطفی — فراردن باشقه هیچ بر چاره قالمیور .

پاشا — ( تلاشله ) اوت قاقچلی فقط ناصل . . یا ،  
یا قالارلرسه ایشته او زمان حاملز دها فنا اولور .

لطفی — عنایت بیورک . . بویله اوطورورسه ق  
تهلکه محقق .

پاشا — بوشنه تلاش اییدیورسک بن هنوز مأمورم . .  
بنی هر درلو تحقیردن قورتارمق ایچون صفت مأموریم  
کفایت ایدر .

لطفی — ( آجی بر خنده ایله ) آه ! پاشا دها حالامی  
امید اییدیورسکز ؟ بو کونکی غزتله ری او قومه دیکزمی ؟  
سزک ایچون نه لر یازلمش .

پاشا — اوت او قودم ( حدتله ) چاپقینلر حریتی ناموسلی  
ادملری تحقیر ایتک ظن اییدیورلر .

لطفی — واللہی پاشام بن سزه اولجه او قدر سویله دم ؛  
اصرار ایتلی ، حتی قان دو کملی ده بونلره حریتی ویردیرمه ملی  
ایدی ( ملعونانه ) سزه بو مملکتک خلقنی صایی ایله  
ویرمه دیلر . . . .

پاشا — (تأسفله) آه صورمه لطفی برخطادر اولدی.  
کیمی کوندردکسه اونلره التحاق ایتدی.

لطفی — نه ایسه پاشام اولان اولدی ... بوراده  
لاف ایله کچیره جک زمانمز قلمادی . اولاجغه بقالم ، یعنی  
ممکن اولدیغی قدر سرعتله فرار ایدم ترتیبات یولنده در..  
برقاج یوز لیرا مقابلنده واپور حاضر ...

پاشا — (بردن متانتله) خایر بن قاجیه جغم مأموریم  
بنی هر درلو تهلکه دن محافظه ایدر.

لطفی — امان پاشا قانون اساسی ایله حرکتی باشلار لر سه  
حالمز فنا اولور.

پاشا — (مأیوس و پریشان) قاجیق اولمز ده اوقت وار.  
لطفی — پکی پاشا بن کیدی — ورم . صوکره سز .  
پشیمان اولور سکز .

پاشا — (تلاشه) لطفی بنی ترک ایدوب ده نره یه  
کیده جکسک ؟

(اوزاقدن اوزاغه نمایش پاتیر دیسی ایشیدیلیر)

لطفی — (صولده کی پنجره دن دیشاری باقهرق) پاشا ،  
ایش ایشدن کچیور ، شو ایشتدیکمز سسلر بزم ایچون  
چیرلی اولیه جق .

پاشا - بونلر حريتك معناسنى سوقاقلرده باغىرهرق  
كزملك ظن ايدن چاقينلردن عبارت اولمى . . سن بنم  
مأموريتمى، موقعى اونوتويورسك .

لطفى - (ينه پنجرهدن باقارق) اينانميورسه كز پاشا  
بورايه كلكنز (پاشا پنجرهيه تقرب ايدر) كورييورسكز يا  
بو طرفه دوغرو كليورلر .

شمدي اينانديكزمى ؟ (خوف ايله كرى چكيلهرك)  
بيتدم ايواه بيتدم .. بنده محو اولدم .. لعنت اولسون..  
نيه دوردم .. بووقته قدر قالدلم ؟ ! ....

پاشا - (پنجرهدن باققده دوام ايدهرك) آمان بونه قدر  
غلبه لك (سسلر كيتدكجه تقرب ايدر) ياشاسين حریت ،  
محو اولسون خائنلر ، قهر اولسون خفيه لر ) (جمله لري  
ايشيتيلمكه باشلار )

پاشا - ( بردن كرى چكيلوب فنا حالده بوزوله رق )  
بزم قپويه كليورلر . فقط آكلایه ميورم بو بر سوري  
خلقك ارمسنده ضابطلرده وار (تكرار پنجرهيه ياقلاشهرق)  
لطفى كل ، كل باق برده ياور وار . (سونجمله) اوح ارتق  
قور تولدم ؛ ماين ياورلرندن ؛ مطلق حقارته ، حقسنز  
برمعامله يه اوغراما مقلغم ايچن بالخاصه كوندرلمشدر . خلق

بر از ایلریده دوردی (هیجانله) یاور ایلریله یور. قاپویه  
 کلدی. لطفی قوش باق نه امروار ... چابوق خبر کتیر.  
 لطفی — (کندی کندینه) حالا امید ایدیور..  
 کندیسيله برابر بنی ده محو ایتدی؛ اللهدن بولسون ...  
 آه عجبا بر چاره یوقی؟ نه اولورسه اولسون بوندن  
 صوکره ایسته م، یاننده قالم ... قاقچالی، قاقچالی.  
 پاشا — (آرقه سندن باغیره رق) لطفی بنی ترک ایتمه  
 چابوق خبر کتیر...

(نه یاپه جغنی بیلمز بر حالدله کاه پنجره یه کاه قپویه  
 قوشار... بو ارا لقی نمایشجیلر تقریه باشلار...)  
 سسلر چوغالیر.)

لطفی — (قاپودن پک پریشان بر حالدله قوشارق کیرر...  
 النده کی کاغدی پاشایه اوزاتیر بویوک بر نفرت و حقارتله)  
 ایشته کلن یاور سزی قورتاردی. بقالم شمدی سز  
 کندیکزی و کندیکزله برابر محو ایتدیککز انسانلری  
 ناصل قورتاره جقسکز (؟!)

پاشا — (بردن غرورلنه رق کاغدی المق ایچون النی  
 اوزاتیر) البته چاره سی بولنور.  
 لطفی — (سرت بر چهره ايله همان علاوه ایدر)



صیرمسی دکل پاشا ، کاغد او قومه نك صرهمسی دکل . . .  
 آرتق عقلکزی باشکزه طوپلایکنز . کوروندیککز مأموریتدن  
 ایشته عزل اولدیکز ؛ بوندن صوکره سزی کیمسه  
 حمایه ایتمز .

پاشا - ( پک زیاده حیرتله ) عزلمی اولدم ؟ ممکن  
 دکل ....

لطفی - اوت اوت ...

پاشا - ( فرط مأیوسیتله اسکمله یه بیغیله رق ) بر بوا میدم  
 قالمشدی اوده کیتدی .. ایواه ! غزته لر بنی بیتیردی ؛  
 اونلر بنی محو ایتدی .

لطفی - ( تلاشه چابوق چابوق ) قاصه نك اناختاری  
 زده ... قاجالم . باشقه شیدن آتق امید یوق ، هیچ  
 برشیئك حکمی قالمادی .. وقت یوق قاجالم . .

( بوصرده آچیککز قاپولری .. ملت نامنه ملت  
 اويله ایستور . آوازه لری ایشیدیلیر . )

پاشا - ( قاصه یه قوشار ) قوش سویله قپولری  
 اچاسینلر چابوق ، چابوق سویله ایکی دقیقه آچاسینلر .  
 لطفی - وقت یوق همده دیکله مزله ؛ آرقه قپودن چیقه لم .

الله ایچون چابوق اولکنز یا قالارلر سه سالانیکده ابراهیم

افندی بی اولدیر دکری کبی بزیده پارچه پارچه ایدر لر .  
سویله دیکم زمان کیتملی ایدک ... بو فلاکته سز سبب  
اولدیکز ... کیده لم آرتق کیده لم .

پاشا - ( قاصه دن بر پاکت کاغد آله رق قاپویه قوشار )  
( لطفی پنجره دن باقار تیتره یه رک کری چکیلر و تلاشه )  
( اوده قاپویه شتاب ایدر )

لطفی - محو اولدق .. محو اولدق چاره قالمادی ...  
قاپویی آچدیر دیلر کلیور لر ... بر احتیاط اولمق اوزره  
نهایتده کی اودا قپوسنی کلیدلر ) آه بر کره کیزلی مردیوه نی  
بولسه ق .

( اشاغیدن آیاق سسلری ایشیدیلر و ( قاجیر تمه ییک )  
( هانکی اوداده در ، مردیوه نده بکلسونلر ) کبی سوزلر  
ایشیدیلر ... سوقاقده ( محو اولسون خفیه لر ، یاشاسون  
وطن ) فریادلری .

### ایکنجی مجلس

کاظم پاشا - لطفی افندی - محمد اغا .. دیگر قپودن  
لیلا خانم زیور اغا - بر آز صوکره نهایتده کی قپودن  
عاصم بک ... نجیب بک ... ایکی پولیس ... اهالیدن  
سکزر اون کشی .

پاشا - (کوشه ده کی کوچك قابودن طیشاری چیقیمق  
ایسترن محمد اغا النده روولور اولدیغی حالده کورونور)  
آمان محمد چابوق یول ویر آرقه قیوی آج ..

محمد - چیقیمق اولمز .

پاشا - ممانعت ایتدیکنی آکلامیه رق) خلق چوقدر  
مدافعه ایده مزسك سلاحی بکا ویر یتیشیر .

محمد - سلاحی ویرهیم ، اونیہ ؟ بن سزه چیقیمق .  
اولمز دیورم .. او آدم لره جواب ویر صوکره کیت .

پاشا - ملعون حریف نردن قارشمه چیقك چکیل  
دیورم .. یول ویر بکا ...

محمد - بنده سکا او بر قپودن چیق دیورم . نه آدم  
اولدیغی شمدی او کرندم . قاچه جقسك .. صوکره بزم  
باشمز بلایه کیره جك .

( پاشا مایوس کری چ-کیلیر .. لطفی محمدی تهدید  
ایچون بر ایکی آدیم ایلرلر )

محمد - آلق شمدی کبرتیرم . کله اوزریمه .

( لایلا وارقه سی صره زیور دیگر قابودن کیررلر )

لایلا - صوك درجده برتلاش وبویوك برخوف ایله)  
باباجغم ، باباجغم بو آدم لره ایستورلر .

( لیلانك كبرديكنى كورن محمد آرقه سنى دونهر. لطفی  
پریشان ) ( برکناره بوزولور . دیشارده پاتیردی دوام  
ایدر ) اونلره نه فالق ایتدیکز نیچون اومزه هجوم  
ایدیورلر .. بزکیمسه یه برشی یامه دق سویله ییکز، بونلر  
یاککش کلدیلر دکلې ؟ ! چیقیکز برشی سویله ییکز . . .  
بونلره مرام اکلاییکز .. آمان یارینی .

( بو آره لق دیشاردن بورده در . بورده اولمی دبه )  
( اوده نك کلیدی اولان قاپوسی وورلمغه باشلار )  
( اچیکز ملت نامه .. اهالی سزی عفو ایدنجیه قدر )  
( حکومت حمایه ایده جك .. سسلری ایشیدیلیر . )  
پاشا — ( محمدك بولندیغی قاپویه دوغرو قوشوب محمد  
بر قاچ بانقنوط اوزاته رق ) آل شونلری ایشته سکا پاره ؛  
بکا یول ویر .

لیلا — ( پاشایه دوغرو یورویه رك ) یارینی مجرملر کبی  
قاجق ایستور . .

( بو ارق قاپو دها شدلی وورولوب آچیکز آچیکز )  
( صداسنی متعاقب قوتلی بر اوموز ضربه سیله قاپو )  
( یره دوریلیر .. عاصم بك ، نجیب بك ، پولیسر )  
( اهالیدن بر قاچ کشی ایچری کیرر .. بو حالی )

( ڪورن زيور ... اورته ده مبهوت ڦالان )  
 ( ليلائي ڦولندن طوته رق صاعده کي ڦاپويه )  
 ( ڪوتورور ... ليل پرده نڪ آرقه سنه صاقلانير )  
 ( فقط اورادن ڪيتمز . )

عاصم بك - ( پاشايي سلامليه رق لطفي بي ڪوشه يه  
 بوزولمش ڪوزلريله بر چاره فرار آراڊيغني ڪوره رڪ )  
 شو خائي ياقالا يڪز .

( اها ليدن برقچ ڪيشي اوني ارالرينه آلرلر )  
 پاشا - ( سسنه متانت ويرمڪه چاليشه رق ) اومه نه حقله  
 ڪيريورسڪز، بندن نه ايسٽيورسڪز ؟

نجيب بك - پاشا دعوا جيلر ڪزوار سزي قاجير مامق،  
 محافظه ايتمڪ اوزره باب ضبطيه ڪوتورمڪ ايجون  
 اوڪزه ڪيردڪ .

پاشا - بنم اوراده ايشم يوق .  
 عاصم بك - وقتيله ايشي اولميان بك چوق ڪيمسه لري  
 ڪوندرديڪڪز ڪي بو ڪونده ذات عاليڪز اختيار زحمت  
 ايدر سڪز .

پاشا - بني توقيف ايتمڪ ايجون سزه ڪيم امرويردي ؟  
 نجيب بك - مملڪتڪ امر حقيقي سي .

پاشا - نه ديمك . . بو امر حقيقي كيم اوليور .

نجيب بك - ملت . . .

پاشا - ملتعي ؟

عاصم بك - يعني افكار عموميه .

پاشا - دعواجي كيم ؟

عاصم بك - هر كس . . بالفرض بن . .

پاشا - ( ايكي سنه درعاصم بگده حاصل اولان تبدلدن

طانيه ميه رق ) بنى ايلك دفعه كورديككز . طانيمديگكز

حالده ناصل اتهام ايدرسكز ؟ بن كيمسيه بر فنالق ايتدم . . .

عاصم بك - كيمسيه فنالق ايتديكزمي ؟ پاشا بو

سوزي تكراره جسارت ايتديكز . بوني بكا قارشى باري

سويلاه ميكر .

پاشا - سز كيمسكز ؟ ايلك دفعه كورديكم بر آدم ! ..

عاصم بك - ايلك دفعه كورديكم بر آدمي ؟ امان

پاشا بنى جداً طانيمديكزمي ؟ ( پاشانك سكوتى اوزرينه )

بز بربريمزي بك ايني بيليرز

پاشا - خاير ، خاير يالان سويليورسكز ، سز بنى

بيلمزسكز .

عاصم بك - آجانم ناصل بيلمم . . دورباقالم ؛ سز

هانی یاشو هنوز کنه جاک کنز ده شمدی سویله من ایسته مه دیکم  
 بر چوق رذالتلر کنز له پدر کنز محمود پاشانک فخته و فاته  
 سمیت ویرن کاظم بک دگیسکنز ؟ سز هانیا شو ضبطیه  
 نظارتنده طابور اغاسی اولوب حیتلی وطنداشلمزک باشنه  
 بلا کیلین کاظم بک افندی دگیسکنز ؟ آ جانم رفتای  
 و لغتکنز له مشترکاً تشکیل ایتریککنز دیوان حرب خفی ده  
 ریاست ایدرک یدی سکنز سنه ده یتمش سکنز بیات کیشینی  
 وطنندن جدا ایدن کاظم پاشا حاضر تلری ذات عالیکنز دگیسکنز ؟  
 حاصلی سز بوتون بو کاظم بک یکنونی اولان دولتلو کاظم  
 پاشا حاضر تلری دگیسکنز یا ؟ ! . . .

( بوز صررده پرده آراغندن لیلانک صولغون )

( چهره سنک بر قسمی کور و نور )

ایلا — ( تترک سسله کسک کسک ) بابا کندینی مدافعه  
 ایتسه که . . آماز یارینی بوسکوتک دهشتنی دوشونمور میسک !  
 یوقسه یوقسه . بوکا احتمال ویرمن . ازله ماز . اوله ماز  
 جواب ویرکنز . بو سوزلری رد ایدیکنز ( بر لحظه )  
 هر کسده احترامکار بر سکوت دوام ایدر )

پاشا — ( بوزوق بر سسله عاصم بک ) سز کیم اولیور سکنز .



کنندیکزی طانیسکز دشمنی او کرنت ایسترم . کیسکز  
سویله یکنز ؟

عاصم بك - ( سرت بر صدا ایله ) بنی او کرنته کز  
سزك ایچون بك خوش اولیه جق . مادامکه آرزو  
ایدیورسکز ؛ پکی .. ایکی سنه اول برادرزاده کزك فراری  
اوزرینه حقه کزده حاصل اوله جق شهیدی ازاله ایچون  
( لطیفی اشارتله ) شوکه بك واسطه سیله توقیف ایتدیردیککز  
وبلا محاکمه یوز برسنه کورکه محکوم ایتدیردیککز عاصم .  
پاشا - ( بوغوق بر سسله ) عاصم ! ( کری کری  
چکله درك قانابهیه غیراختیاری اوطورو ویرر . )

عاصم بك - اوت عاصم ، شمدی طانیسکز می ؟  
نهاده ارقدائی عاصم ، حق بکله برابر سینوب قلعه سنده  
پرانغیه قونیلان عاصم . بن سزی بویله ذلیل کورمکله  
اکتفا ایدر ، عفو ایدرم . فقط حق نك روحی انتقام  
مجسم شکننده بنمله برابر در . بیچاره ارقداشم ، هیچ برکناهی  
اولیان زواللی حق زندان گوشه سنده ایکلهیه ایکلهیه وفات  
ایتدی .. بو اضطرابه ، بو بویوک آجیه تحمل ایدمهین  
پدرینه نزول اصابت ایتدی .. اولومدن بدتر بر حالده  
هرکون سزه اعنت ایتمکده در . عدالت الهیهی کورییور -  
میسکز پاشا ؟

( لیلانک خنچر بقلری ایشیدیلور )

لیلا - ( فرط تأثرله پرده آرقه سندن ) آه ! آچق  
آچق .. کندیسنی مدافعه ایتیور .. مجرم ! . ( بو آراق  
بر وجودک یره دوشدیکی ایشیدیلر ) .

زیور - ( قاپونک اوکنه دوشهن لیلانی قوجا قلا یوب  
ایچری کوتوردرک ) زواللی خانم جغم بایلدی .  
نجیب بک - ( پاشایه یاقلا شهرق ) آرتق کیدلم .  
قالقیکز .

( پاشا هیچ برشی اکلامییور کبی بی معنا بر نظرله )  
( اطرافنه باقار . )

پاشا - بنمی ، زرده ( بر آز کندیسنی طوپلایه رق )  
غلبه لق چوق ناصل چیقه جغز ؟

نجیب بک - قورقمه ییکز ملت عادلدر . . سیئات  
احوالیکزی ازنو تمغه چال شه جقدر . حیاتکز اتحاد وترقی  
جمعی نامنه تحت تکفل مزده در . جمعیت محترمه نك اُک بویوک  
آرزوسی قان دوکمه مکدر . سزنی قزان دیغکیز دشمنلرک  
تجاوزندن محافظه ایچون حکومت حمایه سی آلتنه آلیور .

پاشا - ( شاشقین شاشقین اطرافنه باقارق وسنده لیه رک )  
پکی اقدام ...

( ديه يرندن قاتقار وھپ بردن سخنه ن چيقلارلر . )  
( سخنه بردقيقه بوش قالدقن صوكره )

## اوچنجى مجلس

ليلا.. يالكز.. بش دقيقه صوكره ؛ نهاد بك ..

( ليلا يورغون برطورله بکزی صاپ ساری اولدینی حالد )  
( قابونك اوکنده دوروب صاونه حیران حیران باقار .. )  
( صوكره کیرر: برایی دفعه دولاشیر نهایت ماحه نك )  
( باشنه اوطورر : . بردقيقه قدر دوشوندکن صوكره )

ليلا - اوف یاربی .. بو قدر فنا .. بو قدر آلق ..  
مطابق مطابق او یله باقمه لی .. آرتق یاشیه مم ... ( بر لحظه  
تفکر دن صوكره ) آه ! نهاد نهاد بویله بر زمانده بیله یالكز  
سنی دوشونویورم . ( بر مدت دها اوطورر دوشونور ..  
صوكره بر کاغذ و برق آله رق بش دقيقه قدر یازی یازار  
بر ظرفه قویوب اوزرینی ده یازدقن صوكره .. بر عزم  
قطعی ایله دوغروله رق )

ليلا - اوت سریع قرار ویردیکم کی حرکت  
ایتمه لی .

( یرندن قانقوب صاغده کی قاپودن چیقار. آرزو کره  
آلندن بر بارداق برده ( پوله ریس آتور ) لی ( سوبایما )  
شیشه سی اولدی بی حالمه کابر . . ماصه نك اوزرینه بارداغی  
قویوب ایچنه شیشه ده کی مایمت دپسی بوشالتیر وینه  
ماصه نك باشنه اوتوروب . )

لیلا - اوخ ایشته دپسی حاضر . آرتق کیمسه نك  
یاننده یوزم قیزارمیه جق . . آه نهاد نهاد . . .

( ماصه نك اوزرینه قاپانوب اوکنده هنکور  
هنکور اغلامغه باشلار بو آراق نهایتده کی قیرلمش اولان  
قایونك اوکنده لاجورت بر الیمسه کیمش اولدیغی  
حالمه نهاد کورونور . . بر ایکی ثانیه قاپونك اوکنده  
توقندن صوکره حنیف آدیملریله لیلایه قلاشوب ماصه نك  
اوزرندکی بارداق ، شیشه و مکتوبی کونجه قتریه رک بر  
آنده بارداغك ایچنده کی مایعی یرد دوکهرک . )

نهاد - لیلا ، آه لیلاجغم سن نه یاپیورسك ؟  
( لیلا حیرت وتلاشله باشی قالدیرر ) اوخ چوق شکر  
یاربی وقتنده یتشدم .

لیلا - ( یوزینی آلری ایچنده صاقلایدرق ) نهاد نهاد  
( ایکی آلرینی نهاده اوزاتیر نهاد آلرینی طوتار . .

لیلا باشنی نه-ادك قوللرینه دایه یه رق تکرار اغلامغه  
( باشلار . )

نه-اد - آغلا آغلا قوللریمك اوزرنده بوتون  
روحكك اضطرانی تسکین ایددجك کوزیاشلربی دوك .  
آغلامق بویوك تس-ایدر . . . بعض مقدس حسیاتله  
اغلامق عادتاً عبادتدر . آغلا آغلا فقط اونوتمه که  
استقبال بزمدر . آرتق بزم ایچون سعادت کونلری  
کلدی . . آرتق بویوك بر مسعودیت ایچنده یاشیه جغز .  
لیلا - ( بردن باشنی قالدیروب سرعتله اللربی  
چکه رك ) کیم ؟ بزمی ، بنمی ، بنمی یاشیه جغم ؟ نه-اد بو  
کوندن صوکره بن یاشیه جغم اوله می ؟ بوکا احتمال  
ویربیورمیسك ؟

نه-اد - ( تأثرله ) لیلا ، لیلا بکا مرحت ایت بن  
یالکز بو امید ایله چالشم . . سنسز نه یاپارم . . هیچ  
دوشونمیورمیسك که بنم حیاتم سنسك ؟ ! . . .

لیلا - ( اغلا یه رق ) صوص نه-اد ، صوص ده-ا  
زیاده سنه تحمل ایدم اون دقیقه اول بوراده اولان  
رزالتلری بیلسهك اتخاری سن ، کندك توصیه ایدردك .  
نه-اد - خایر لیلا هپسنی بیلیورم ، هپسنندن خبرم

وار . . : بونك ايچون دكلى كه . . .

ليلا - ( نهادهك سوزيني كسهرك دتهيج ) او حالده

بكا بونك ايچونمى ياشامنى توصيه ايدىيورسك ؟ . .

نهاده - ( متين ) اوت

ليلا - ناعال اوت ؟ ناموسسز ياشامق قابل

اولدديغنى اعلا ايدن سن دكلى ايدك ؟ يوقسه سن او

ايكى سنه در خيالى روجده صاقلادىغ ناموسك تمثال

مجسمى، مملكتك فائيسى اولان نهادهكليسك؟! ياشامنى

بكا توصيه اتمكه ناعال جسارت ايدىيورسك ؟ درت

بش كوندر غزتهرك تحقيرى و بوكون او تحقيرلرك پك

حقلى اولدديغنىك اثباتى كوزمك او كنده دورر كن بكا

حالا ياشا دىيورسك ها ؟ . . .

نهاده - ليلا الله ايچون بكا مرحمت ايت . .

ليلا - ( ايستميهرك سوزنده دوام ايدر ) اوف ؛

نهاده سن دهمى دكيشدك، سكا قارشى دهمى خوليارم بوشه

چيقدى ؟ سنى تبدل ايتمش، علويتنى غيب ايتمش بروجدان

ايله كورمكدن ايسه اولمكى ترجيح ايدرم . . ( بويوك

بر عصبيت وهيجانله ) بابامك بر چوق جنسايتلرينى

كوزلرمك او كنده يوزينه سويله ديلر . . . هيچ جواب

ویرمندی . . قبول ایتدی . . صوصدی، رده مقتدر  
اوله مادی ( نتر دیرک ) ایشیدیور دیسک نهاد،  
ایشیدیور دیسک، صوصدی . خائیلر کی قاجنی  
دوشوندی، اوف چونکه کن دیسیده بر خائندی .  
وطن، مات خائی آکلیور دیسک نهاد . . . .

نهاد - قوزم لایلا . . بو عصییتی براق . . بنی  
دیکله . . بر کره دیکله حق ویرمز سهک پکی . .  
لایلا - خایر خایر . . .

نهاد - باق دیکله نه سویلیه جکم . دوشون لایلا،  
هم ممکن ازلدیغی قدر کندی طوپلاده اویله دوشون . .  
اتخار ایده جکسک . . مملکته بویله بر سعادت بخش ایدن  
جناب حقه ایلاک شکرانمز بر جنایت . بر عصیانمی اولسون؟  
بیلیمیور دیسک که اتخار جناب حقه عصیاندر؟ اتخار ایدنر؛  
مسکیننر، تباللر . . حیاتک بیک درو جلوه سننه تحمل  
ایده میانلر، یعنی انسان نامنی طاشیمغه سلاحتی اولمیانلر در.  
محکوم ایدیلن بابا کسه خلاص ایدیلن آنه کدر . . وطن  
خلاص اولدی . سن پک اینی بیلیرسک که وطن اوزرنده  
یاشایانلرک آنه سیدر .

لایلا - ( ایچنی چکیرک ) آه! نلر، نلر - ویلیورسک!



دوشونسه که بن دنیایه، خلق آراسنه ناصل چیقارم . .  
یارین هیسچ بر مزیتی اولیان بر طاقم حسودلرم . . « ایشته  
کور ییور میسکز کچن کون ملت طرفندن توقیف ایدر کن  
ایدیلن کاظم پاشانک قیزی . . اوتانه دن هر کسک آراسنده  
کز ییور » دیمز لرمی ؟ .

نهاد - (متانتله) خایر . .

لیلا - امان نهاد ناصل خایر مرحمتی اومه جغز ؟

نهاد - (جدیتله) اوت ...

لیلا - (کوزلری تکرار یاشاردرق) اوخ بو محالدر . .

بابام اونلره انصاف ایتدیمی ؟ حکومت مستبده محو ایتدیکی  
ادملرک چو جو قلیزیه حسن معامله ایتدیمی که بو کون  
اونلردن بر صدقه لطفه نائل اوله لم . بزی ازده جکلر ،  
بزی هر یرده تحقیر ایدده جکلر . ( اغلا یه رق ) بو اونلرک  
حقیدر ، بن بوکا تحمل ایده مم .

نهاد - (غایت جدی) حریت عادلدر ، عدالت حرددر .

(ماصه نك اوزرنده کی مکتوبی کوره رک) او ! بونه ؟ بکا  
یازلمش بر مکتوب (آلوب آچار . . لیلا قانابه یه اوطوروب  
دالغین دوشونور .)

نهاد - (مکتوبی عجله خفیف بر سسله اوقور)

آه! نهاده.. اون کوندن بری دوام ایدن تحقیر لر ونهات  
 بو کون وورولان صوک ضربه اوزرینه سنکله یاشاق  
 امیدیه سودیکم بودنیادن آرتق آریلمق ایجاب ایدیورم.  
 آه! بیلسهک نهاده نه قدر رذائلره هدف اولدم..  
 آنه مک نه قدر طالعی وارمشکه کچن سنه وفات ایتدی.  
 او زمان اوکا اغلامشدم شمدی کندهم آغلیورم. یانده  
 بر بارداق «سوبلیمه» وار کوچوک بر حرکتله جیکرلریمی  
 پاردماق، بر آنده اولمک قابل و لازم.. اونک ایچون  
 سنکله بر آز کوروشمک ایستیورم. فرارک ارجنچی کونی  
 ألمه کچن مکتوبده سنی اونوته می توصیه ایدیورسک..  
 سنی اونوتماق؟!.. آه کاشکه اونوته بیلسه ایدم شمدی اولوم  
 بزم ایچون بو قدر کوچ اولمزدی. بوتون بو فلاکتلر،  
 بو ضربلر آراسنده سنی دوشونویورم، شو موفقیت سنی  
 ممنون ایدهجکی ایچون عادتاً ممنون اولیورم. الوداع نهاده،  
 الوداع! سنک کوچوک لیلا کی بعض خاطر لادجه اجیه  
 جقسک دکلی؟؟..

دنیا یی یالکز سنک ایچون

سومش اولان

لیلا

نهاد - ( لیلانك باشنى ايكي أيلله طوتوب صاحلارنى  
 اوپهر ) مادامكه سن اسكیدن برى بنى دنيانك اك بختيار  
 آدمى يامغنى دوشونمشك، ايشته شمىدى هيچ بر مانع  
 قالمىدى . حقت وار آرتق استانبولده بوسوكيلى بوكوزل  
 ممالكتمزده ياشامق بزم ايجون مشكلدر . سنى دنيانك  
 نرسندى اولسه سعيمله كچنديررم . سكا اوزانان بو الى  
 قبول ايت .

ليلا - ( بردن دوغرولهرق ) قابل دكل .

نهاد - ( جديتله ) نيجون ؟

ليلا - ( عصبي ) چونكه ، آه چونكه بن سنى بوزلته ،  
 بوتزله لايق كوردم ؛ سن ممالكتكه فدا كارانه خستمت  
 ايتمش ؛ وطنكى بيك درلو ظلمدن قورتارمق ايجون فداى  
 حيات ايدر جهننه چالشمش بركنج ، ممالك سوكيلى  
 براميديسك ؛ بن ، آه بن ييقيلان استبدانك انقاضى ،  
 برملت خائنك قيزى يم ( اغلايهرق ) سنى كنديمله لكه لكدن  
 اولمك بيك قات اولادر .

نهاد - ( ليلاني اللارندن توتهرق ) قوزم ليلار جايدرم ،  
 الله عشقنه بكا آجى ، شوعصبيتى ، شوكوز ياشلارنى براق ..  
 خائن ملت ديديك ، هيكل استبداد ديديكك آدم كيمدر ؟

سېڭ بابا كېسە نېم دە غموجەم. سىن اولك قىزى ايسەن بىزدە  
برادىرىڭ اوغلى بىم اولك بەمىز فېنا حر كىتلىرىدىن بىز نە  
ايچون مەسۇل سايىلەم ... باباڭ قەسورلىرىدىن اولادلىك  
مەسۇل تۇتايلا جەملىرى زامانلىرى كېرى . ( ايللا بىر حر كىت  
ايدىر .) اعتراض ايتەم. دۇغرىو، حەتتە وار ... بۇقۇملىما مەزە  
سۇرۇلۇش بىرلەككەر .

ايللا - ئە ! لىكەلى بىر نام تاشىمىق ؟ !  
نەھاد - اۇت بىرلەككەر .. فقط بولالىكى تىمىزلىك ايچون  
اتتار ايتىك . قان دۇكەك كىفائەت ايتىمىز ؛ بۇ اويلا بىرلىكە  
دەركە بۇنى قان بىلە تىمىزلىك مەز . . . بۇنى تىمىزلىك جەك شى  
چاللىشەرق مەلى و جۇدەمىزدىن مەستفەد ايتىمىز .

( ايللا باشنى قالدۇر دۇرۇق مەجىتە نەھاد باقار نەھاد دۇام ايدىر .)  
استەدداك چىركىن بىر نەتىجەسى اولەرق غەربىستانك  
كەنارلىرىدە ، انا تۇرلىنىد ايچىلرىدە اويلا بىرلىر وار دەرگە حر بىتەك  
نە دىمەك اولدىغىنى ؛ مات ، دۇلت نە يە دندىكىنى بىيان ھىيچ  
كىمەسە يوقىدەر . ايشە اورارە كىتمەلى ، كىچەلى كوندوزلى  
چاللىشەلى ، ائىزدىن كەلدىكى قەدر اھالى يى اوقۇتمەلى ، چاللىشە  
سۇق ايتەلى ، دۇلتك ، مەلتەك نە دىمەك اولدىغىنى آ كەلەملى ؛  
حر بىتەك شەننى اعلا ايتەلى .. ايشە او زمان مات بىزى غەفو

ایدر؛ ایشته بوسورتله عائله مزه سورولن لکک تمیزلنمش اولور.  
 لیلا - (یکیدن حیات بولمش کی نهادهک النی صیقه رق)  
 سویله سویله اوخ بیلسهک بنده نه کوزل بر استراحت روحیه  
 حاصل اولیور. اناطولی نی تکمیل دولاشه جغز، کوی کوی  
 کرده جکر دکمی؟ سن ارککاره حریت انسانلره اولان لزومنی  
 اکلانیرکن بن قادینلره مساراتک نه دیهک اولدینی سویلیه.  
 جکم. سن ارککاره ارقومق یازمق اولیم ایدرکن بن  
 قادینلره دیکیش، نقش اوکرته جکم.

نهاده - اوخ هله شکر یاربی! اکلیپورسات یا! اتحار  
 ایدرسهک بلکه جنازه مز تحقیر ایدیله جک، یاشارسق مجسم  
 فضیلت اولمق اوزرد طانیله جغز. شمدی ایستر ایسهک  
 ارلهلم.

لیلا - خایر، خایر.. یاشیه جغز، ملت مزده، صاف و تمیز  
 یورکلی عثمانلیره عمر مز اولدینی قدر خدمتکار اوله جغز.  
 بن-کاتابعیم؛ حیاتم سنکدر؛ آن ایسته بکک کی حرکت  
 ایت.

نهاده (فرط هیجانله مکتوبی یرتار) تشکر ایدرم،  
 تشکر ایدرم لیلا...

لیلا - نه وقت کیده جکز .

نهاز - بو اقش - ام صامسونه بر واپور وار اورادن  
باشلارز .

لیلا - حیقالم نهاد حیقالم . ارتق بوأودن حیقالم .

نهاد - یو ! . . بوراده کوروله جک مهم برایشمنز  
وار . شوردن بر کاغد بر قلم آلد ماصه نك باشنه اوطور  
سویله جکلری می یاز .

لیلا - ( کاغد قلم حاضر لایوب ماصه نك باشنه اوطور )  
سویله .

نهاد - یاز بقایم ( لیلانك اوموزینه أنی قویه رق )  
نه یازدیره جغم بیلیر میدسك ؟  
لیلا - خایر

نهاد - شمدی یازار كن اكلا رسك .. شبهه سنز بونی  
یازمق لازم .

لیلا - هایدی سویله .

نهاد - أومنز داخلنده بولان بالجهله قادین أشیاسی  
والماسلر بكاعائد اولوب كرك بونلری و كرك والدمدن  
انتقال ایدن ، و پدرمدن انتقال ایده جك اولان نقود

واملاکی .. دور استبداده ضرر دیده اولان احرارملته  
تودیع اولنق اوزره اتحاد وترقی جمعیت مقدسه سنک  
وساطتینی تمی ایدرم .. چونکه بو ثرونک هپسی اونلره  
عائدر . امضا ایت لیلا .

لیلا - ( امضای قور ) حقک وار نهاد شمدی کیدوب  
چارشافلانیم دگلی ؟

نهاد - اوت بنم ملاکله قدر صاف لیلاجغم ..  
هایدی .

( لیلا حیقار .. نهاد لیلانک یازدینی کاغدی جنبه قور ..  
برقانه یه یاصلانیر .. ایکی اوچ دقیقه صوکره لیلا سیاه  
برچارشفله کلیر . )

لیلا - بن حاضریم وسنکم .. هایدی بنی اناطولی یه ،  
عربستانه کوتور ، بوتون وطنی کزدیر .. قرده شلریمه  
قاروشوب خدمت ایده جکم که بنی غفو ایتسونلر .

نهاد - ( لیلانک آلی طوتهرق اوپهر ) هایدی  
لیلاجغم کیده لم .

هرایکیسی - یاشاسین حریت ، یاشاسین مساوات ،  
یاشاسین عثمانلیلر .

(ایکسی دہ نہایتدہ کی قاپویہ دوغرو ال الہ)

(یوررلر .. قاپودن چیقارلر)

(پردہ اینر)

صوک

استانبول : - ایلول - ۱۳۲۴





## تیاترو حقمنده بر مطالعه

انسانلری غایه خیالی، تکامله دوغرو سوق ایدن شبهه سز  
حسیات، افکار و معلوماتدر. بر قومک جمعیات بشریه ایچمنده  
موجب شرف بر موقع احراز ایتمه می - ینه هیچ شبهه یوقدرکه -  
حسیاتنک تعالیسی، افکارینک منوریتی، معلوماتنک تزیایدیله  
واقعدر.

وطنمیزی اوغایه امله سوق ایتک ایچون وطنداشلیتمیزی بواوچ  
نقطه دن ایفاظه یعنی حسلرینک تعالیسنه، فکرلرینک تنویرینه.  
معلوماتلرینک، تزیایدینه چالیشملی بز.

بوخصوصده سعیمیزی تعمم ایچون المزدده اوچ واسطه بولویوروز  
برنجیسی مکتبلر - یعنی تحصیل -، ایکنجیسی غزته لر، کتابلر -  
یعنی مطبوعات -، اوچنجیسی تصویر وارانیه - یعنی تیاترو .  
شوایضاحانله تیاترونک حیات اجتماعیه اراسنده کی موقع مهمی  
تظاهر ایده جکندن ارتقی تیاترو حقمنده کی مطالعات عاجزانه سزه  
یکه لم .

تیاترو ایکی نقطه نظر دن بشریتک، تکاملنه خدمت ایتشدور.  
اولا تیاترو تیاترو اولقی اعتباریله یعنی صنعت اعتباریله کوزل  
اولدیغندن وهر انسانده کوزلاکده قارشی بر میل و انجذاب بولندیغندن  
تیاترو انسانلرک اُن بیوک احتیاجاتی میاننه داخل اولمشدر .  
حالبوکه تیاترو بوکون یالکیز کوزل برشی دکدر ؛ عین زمانده  
قائیده ایدرده؛ شمعی مساعده کزله مفید و کوزلدن مجمل بحث  
ایده لم : حکما قواعد موضوعه صنعتی ایکی نقطه نظر دن تدقیق  
وتتبع ایدرلر . بر قسمی صنعت صنعت ایچوندر ؛ دیگر قسم  
ایسه صنعت مفید اولمیدر دیورلر . دوغرو .. بر صنعتکار کی

دوشونمك لازمكايه بزرده برنجي قاعده يني ، يعنى صنعت صنعت  
 ايچوندر نظريه سنى قبول ايده لم فقط بونى بويله قبول ايده جك  
 زمان هنوز بزم ايچون كلمه مشدر ؛ بوكون بزره شيدن ،  
 هر فرستدن حسمزك تعاليسنه فكمزمك تنورينه يارايه جق بر  
 استفاده من اولمالى كه قومش ولرمز اولان اوروپايلر آره سسنه  
 كيره بيله جك برسويه علميه يني ممكن اولديغى قدر سرعتله اكتساب  
 ايده لم .

كوزلك وفائده ؛ بزبو ايكي نظريه يني يكدى كرينه مزج ايدى رك  
 حاصل اولان نمودجى آلمالى يز . . يعنى تياترو صنعتدن كوزلكى  
 آله جق ومفيد اولمغه كسب مزيت ايده جكدره . كچه هر كوزل  
 شيه قارشى قلبدنه بر الجذاب حاصل اولور سده بوباق ومسلسل  
 اولامز . چونكه چيچك قوقلامتدن متلنذ اولان بر انسان  
 عيني زمانده اكك يمك ده ايستر . . كوزل بر كلبيكي اوچاركن  
 كورمك بر ذوقدر فقط اعتراف ايدلمليدركه (ميبوب) بر آده  
 كوزلك كلبكلى كورمك ايچون دكل قفاسنى براغاجه چارپماق ،  
 كنديسنى بر چوق عارضه لردن وقايه ايتك ايچون لازمدر .

ايشته تياترو حقمنده حكمانك بوايكي بر برينه مخالف ملاحظات  
 ومناقشاتى پك چوق زمان موضوع بحث اولمش وهمان هر عصرده  
 فكرلر تخالف ايتمشدر .

بعضلى تياترويه اعتراض ايله ديورلر كه : «مملكتمز زراعت  
 وتجارت مملكيتدر ؛ بونلردن هيچ استفاده ايدليور . . صناعت  
 حقمنده هيچ بر تشبث كورميورز ؛ بويله فائده سى درجه اولينده  
 اولان خصوصات دوروركن تياترونك تكاملنه چالش مق هم  
 فائده سزدر . همده مضردر ؛ كچه آوروپاده تياترولر احتياجات  
 بشريه صرده سنه داخل اولمشدر ؛ فقط اوراده اهالى تعالى ايتمش ؛

ثروت صاحبی اولمش ، تیاترو تماشا ایده جاك حاله كشمدر .  
 صباحدن اقشامه قدر زراعته ، تجارتیه چالشان اهالی اكلنمه  
 لایقدر .. حالبوكه بزم كوله جاك اكلنه جاك وقتمز یوق ... »  
 اینك نظرده پك معقول كبی كورونن شو مطالعات  
 برآز تعمیق ایدیلیرسه نه قدر تهی ، نه قدر غیر واقفانه ایراد  
 ایدیلدیکی تظاهر ایدر . فرانسه یی آله آلام تاریخه مراجعت  
 ایدر سهك كورورزكه اون آلتنجی عصرده هنوز صناعت و تجارت  
 پك ابتدائی بر حالده ایكن تیاترو یواش یواش تكامل ایتكه  
 باشلیيور و اون دردنجی لوی زماننده قورنه ی ، مولیه ركبی  
 اعظم تماشانویسان افكار عمومیه یی تنویره باشلیيورلر . ینه  
 اونیدنجی واون سکزنجی عصرده صنایع و تجارتك پك خفیف  
 اولدیغی بر زمانده ادبیات و تماشا سایه سنده افكار عمومیه  
 ترقی و تكامله حاضرلانیور .. نهایت وولتر ، ژانژاق رسو كبی  
 دهاتك ارشادات ادیبانه لری سایه سنده حكومت مستبدیه کلیاً  
 قهر ایدیلیيور . ایشه بوندن صوكره ، اصل بوندن صوكره  
 تجارتیه ، زراعتیه صنایعه بوپوك و سربست بر ساحه جولان  
 آچیلیيور . ایشه بوتون اعتراضاتی رد ایچون شو مثال كفایت  
 ایدر . فقط بز بونكلده اکتفا ایتیه جكر معترضلرمزه دهامقنع  
 جوابلر ویرمكه چالشه جفز .

هر كسك تحت تصدیقنده دركه بر مملكتك ترقیسی ثروت  
 عمومیه سنك تزیادی سایه سنده در ، و بوكا اك زیاده خادم اولان  
 هر كسك احتیاجانه مع زیاده كفایت ایده جاك قدر قزانه سینه ،  
 قزاقق یولاریخی بیلمه سنه وابسته در . ایشه بو بیلگی ، علم ،  
 یعنی معلوماتدر . معلوماتك بر بینده تمرکزی ایچون افكارینك  
 منور اولمه سی ، ایجاب ایدر . حالبوكه هر فیکر انسانه ابتدا

حسیات شکنده کیرد. انسانلر، هله معلوماتی، تربیه فکریه سی  
تماما تقرر ایتمه مش اولانلر دائما حسلرینک زبونیدر. انسانلر  
معنوی دیماک اولان حسی نی اُک اول نظر اعتباره آلامی .  
اُک اول حسلرینی تربیه ایتملیدر؛ بونک ایچوند ده برنجی صیغه ده  
عرض ایتدیکمز تحصیل ، مطبوعات ، و تیاترودن باشقه چاره  
یوقدر . شمدی بزم اهالی یه کلام خواصدن بحث ایتوروز .  
عوام اراسنده جدیاتدن زیاده هوائیاته میل زیاده اولدیغی  
جمله ناک تحت تصدیقنده اولدیغندن اوندری درسه - خصوصیه  
یاشلاندقدن صوکره - مکتبلره سوق ایتک خیلی مشکدر .  
درسده کی مجزور قرائتده ده تماما موجوددر . حالوکه تیاترو  
اوله دکدر. کندینی کولدیره جک. اکلندیره جک شی آدینان  
عوام بونلرک هپسندن دهاسهولتله تیاترویه شتابیدر و اوراده  
درس اولدیغنک فرقه وارمیارق آله جفی اک خفیف بر حصه  
ارشاد استقبال ایچون قزائش بویوک برامیددر. ایشته بونک  
ایچون تیاترولرمزک تکاملنه چالشمق ، اونی عوامه سودیرمک  
استقبال وطنی مقدس یلهن عر صاحب حیت ایچون وظیفه در  
اعتقادنده نر

شمدی مساعده کزله ینه بحشمزی تیاترویه کچیره لم.  
تیاترو هانکی مملکتده یازلمش سه او مملکت داخلنده  
اویانملیدر. چونکه حسیات، افکار و معلوماتک تظاهر و تعالیسنه  
معاون اولمق اعتباریه لزومی تحققی ایدن تمشا استفادلی اولمق  
ایچون او مملکت اهالیسنک احتیاجات و احتیاساتنه توافق  
ایتملیدر . تیاترولرده طبق قانونلر کبیدر. جمله ناک معلومیدرکه  
بر قانون هانکی مملکت اهالیسنک احتیاجات و احتیاساتنه کوره

یابشسه او مملکتده تطبیق ایدیله بیایره و بویله اولدیغی حالده  
استفاده بخشد.

یوقریدن بری عرض ایتدیکنز مطالعات عاجزانه ایله  
تحقیق ایدیورکه تیاترو برمکتبدره دهادوغروسی بزده برمکتب  
اولماید. هم اوپله برمکتب اولمایدرکه اوراده مسائل اجتماعیه نك  
اك بویوکاری موضوع بحث اولمی ، ایشته اوراده انسانك  
عمق فاینده مکنوز اولان حقیقه لرتیاترو واسطه سیله اویندیرلمااید.  
افکار عمومی نی ایقناظ خصوصنده تیاترو کبی عظیم  
بر واسطه نشر یادن استفاده ایتمهك طائر حریتك بر قنادینی  
باغلامقنه مساویدر.

تیاترولر یازیلدیغی مملکتده اویناملی دیمشك و بوکا سبب  
اوله رق احتیاسات و احتیاجاتمه مطابقتی لزومی درمیان ایتمشك .  
شوسویله دیکمز سوزلرله اجنبی آثار مشهوره سنك اساتمه  
ترجمه اولدمسی فکرنده اولدیغمز آکلاشیلاماسین . آثار اجنبیه ؛  
صنعت صنعت ایچون اولمی و یا صنعت مفید اولمی نقطه نظرلرندن  
تدقیق ایدیله جك اولورسه کورولورکه فائده سنندن زیاده کوزلاکی  
واردر ... چونکه ملی بر پیه س قدر حسیاتمه توافق ایتمز .  
اگر حسیاتمه توافق ایدیور ، و بزم ایچون موجب عبرت  
بر حادیه داتر بولونویورسه شبهه سز فائده بخشد و ترجمه ایدله لیدر .  
فقط تکرار ایددرزکه بو خصوصده افکار و حسیات ملیه دائماً  
نظر اعتباره آلمایدر ؛ شمدی محترم قارئات وقارئتمزك كرك  
ژون ترکی و كرك شو عاجز مطالعاتی او قودقلمی زمان تصادف  
بیوردقلمی قصورلری عفو ایتدیرمك ایچون کندیلرینه عرض  
ایددرزکه تیاترو حقنده اکتساب معلوماته واسطه اوله جق  
نه المزده بر اثر نهده او کمزده بر استاد موجود اولمادیغندن

شبهه سزكر ك اثر و كرك مطالعات من خطادن سالم اوله ماز. حاصلی  
 لسانمزده تیاترو یازمه ق او یله بر مسلکدرکه - اوروپا آثارندن  
 استفاده ایتک شرطیله - مؤلف قواعد صنعتی اثریله برابر  
 وضع ایتیه مجبور اولویور.

حیدرپاشا: ۱۵ - تشرین اول - ۱۳۲۴

رخسان نواره و تحسین ناهید





## مؤلفك آثار سائره سی

---

(سیسار و حسار) مجموعه اشعار در دست طبع تحسین ناهید  
صنعتکار (ملی تماشا) یقینده موقع تماشایه وضع و کتاب  
شکلنده دخی سهوات کتبخانه سی طرفندن طبع اولنه جقدر  
رخسان نواره و تحسین ناهید.

قیانی (۵) غروشدرد.











3 1761 07748829 4

PL  
248  
R83J6  
1909